

Arabesque

МАСКИТ СЪВЪРШЕНСТВО NO. 107



ISSN 1310-1111





ქართული ბალეტის მეგობრები
FRIENDS OF GEORGIAN BALLET

+995 32 999 364

Arabesque

№3/4(78)07

Ballet Magazine

„არაბესკი“ ჟურნალი ბალეტზე



გარეკანზე:

პირველ გვერდზე: სცენა სპექტაკლიდან „დონ კიხოტი“, ნინო ანანიაშვილი და ანდრეი უვაროვი.

მეოთხე გვერდზე: სცენა სპექტაკლიდან „ლაურენსია“. ლალი კანდელაკი, ლადო ვაჩნაძის ფოტოები.



ზაპარია ფალიაშვილის სახელობის თბილისის ოპერისა და ბალეტის სახელმწიფო თეატრის საბალეტო დასის ჟურნალი

QUARTERLY MAGAZINE IN GEORGIAN ABOUT THE BALLET COMPANY OF THE TBILISI Z. PALIASHVILI OPERA AND BALLET STATE THEATRE

საბალეტო დასის სამხატვრო ხელმძღვანელი
ნინო ანანიაშვილი

ARTISTIC DIRECTOR OF THE BALLET COMPANY
NINO ANANIASHVILI

რედაქტორი
ილია თავბერიძე

Editor
ILIA TAVBERIDZE

ტექნიკური რედაქტორი
ქეთევან ნოზაძე

Technical Editor
KETEVAN NOZADZE

ნომერში გამოყენებულია ლადო ვაჩნაძის, ბალეტის მსახიობთა და ოპერისა და ბალეტის თეატრის მუზეუმის ფოტოები.

თბილისი, რუსთაველის გამზ. 25,
ტელ.: 98 32 54, 99 93 64


25, RUSTAVELI ave. 0108, TBILISI, GEORGIA
TEL: +995 32 99 93 64

UDC(უბკ) 792.8
A-70

ISSN 1512-3294

www.ballet.ge


© 2007, IB Design



Arabesque

6

10



Arabesque

42



Arabesque

42

საქართველოს სახელმწიფო ბალეტის რეპერტუარის შედარებითი ანალიზი

საეხთვებლო

– მისი საზიხუნავი

საქართველოს სახელმწიფო ბალეტის რეპერტუარის შედარებითი ანალიზი

საქართველოს სახელმწიფო ბალეტის რეპერტუარის შედარებითი ანალიზი



19

ეიფიანი თბილისში

საქართველოს სახელმწიფო ბალეტის რეპერტუარის შედარებითი ანალიზი

საქართველოს სახელმწიფო ბალეტის რეპერტუარის შედარებითი ანალიზი

საქართველოს სახელმწიფო ბალეტის რეპერტუარის შედარებითი ანალიზი

22

„ღაყუთებზე ამ დასს დღე სუნა“

გასახილბი

თბილისის რეპერტუარის შედარებითი ანალიზი

საქართველოს სახელმწიფო ბალეტის რეპერტუარის შედარებითი ანალიზი

საქართველოს სახელმწიფო ბალეტის რეპერტუარის შედარებითი ანალიზი



2007 7.31 (平成19年) 午後6時30分開演 (午後6時開場)

入場料金
S席11,000円・A席9,000円・B席6,500円
(B席に限り5歳以上高校生以下1,500円)

CANORA HALL
カノラホール 岡谷市文化会館

TEL.0266-24-1300
http://www.lcv.ne.jp/~canora/

40

04 BALLEET-NEWS

06 გედის ღზბრუნება
ილია თავბერძიე

10 ახალი სპეტაკი
ლუზრენსი
მერი გურგენიე

14 სტუბარი
ალექსანდრე გრანტი:
„თქვენს ღზსთან გუშაგუბა
სასიამოვნო იყო“
ნინო აბელედიანი

15 სტუბარი
გენ სტივენსონი:
„ამჯერად ღზსის
შესაქმებლობებს ვსნავლოგ“

16 სტუბარი
ირინა კოლუბკოვა:
„კმაყოფილი ვარ
ქართული ბალეტის ღონით“
ნინო მღვებეძე

18 სტუბარი
კევინ მაკკენზი:
„ქუღს ვისღი
თქვენი მოცეკვებების წინაშე“

19 ბასტროლის წინ
საქართველო – მისი სზბრუნები
ელიზბეტე კენდელი

22 ბასტროლი
„ღაუთებით ამ ღზს
ღიღი სცენა!“

31 BALLEET-NEWS

33 თაობა
საქტბაკლის ღზაღეზა
კამერამ ალბეტლა
ლიკა ლაბაძე

35 რსტაბი
სვეტლანა გორიანვილი
ნინო მღვებეძე

36 ხსოვნა
ჩემი სავყარელი ალგზრღელი – „ნიუსია“
ირინე ჯანდიერი

37 BALLEET-NEWS

40 ბასტროლი
ეიფიანი თბილისში

42 მცირე საბალეტო
ენციკლოპედია

გაიხსნა ახალი სეზონი

156-ე თეატრალური სეზონის პირველი საბალეტო სპექტაკლი 22 სექტემბერს გაიმართა. საბალეტო დასმა წარმოადგინა ფ. ჰეროლდის ბალეტი „ამაო სიფრთხილე“ (ფრედერიკ ეშტონის ქორეოგრაფია). ბალეტის პრემიერა თბილისში 2005 წლის 30 ივნისს შედგა. ამ ბალეტის ლიცენზიის მფლობელი ალექსანდრე გრანტი, ინგლისის სამეფო თეატრის ყოფილი მოცეკვავე და ალანის პარტიის პირველი შემსრულებელი, მაშინ პრემიერას ვერ დაესწრო და თბილისის სექტემბერში ეწვია. დამდგმელმა ბალეტმაისტერმა დასთან რამდენიმე რეპეტიცია ჩაატარა და მუშაობით კმაყოფილი დარჩა.



მორიხირო ივატა (მარცხნიდან მესამე) საბალეტოს გამგეობა



ნინო ანანიასვილი და ალექსანდრე გრანტი

სპექტაკლში მთავარი პარტიები იცეკვებს ცისია ჩოლოყაშვილმა (ლიზა), ლაშა ხოზაშვილმა (კოლენი) და დიმიტრი ჯალალანიამ (მარცელინა). ალანის პარტიის შესასრულებლად თბილისში მოწვეულ იქნა დიდი თეატრის სოლისტი მორიხირო ივატა (იაპონია). თბილისელ ბალეტომანებს იგი კარგად ახსოვთ. 2000 წელს ჯ. ბალანჩინისა და ვ. ჭაბუკიანის სახელობის საერთაშორისო ფესტივალზე, თბილისში, მან გრანტი და სპეციალური პრიზი მოიპოვა „საკუთარი ქორეოგრაფიისათვის“.

მორიხირო ივატას მიერ ალანის პარტიის შესრულებას ხასიათის მასშტაბურობა გამოარჩევდა. იაპონელმა მოცეკვავემ 2 ოქტომბრის სპექტაკლშიც იცეკვა.

პრესკონფერენცია ქვემოთის მინ

13 აპრილს, ბალეტ „ლაურენსიას“ პრემიერის წინ, დამდგმელი ჯგუფის წევრები მედიის წარმომადგენლებს შეხვდნენ. ჭაბუკიანის ქორეოგრაფიის მიხედვით შექმნილი ბალეტი 28 წლის შემდეგ კვლავ დაუბრუნდა სცენას. „ეს იდეა ნინო ანანიასვილის ეკუთვნის, – განაცხადა პრესკონფერენციაზე ბალეტის ახალი რედაქციის დამდგმელმა ქორეოგრაფმა ნუკრი მაღალაშვილმა. გასული სეზონის ბოლოს მან შემომთავაზა „ლაურენსიას“ განახლება. რა თქმა უნდა, დიდი სიამოვნებით დავთანხმდი, თუმცა ეს ძალიან დიდი პასუხისმგებლობაა, რადგან ვახტანგ ჭაბუკიანი არა მარტო საქართველოსთვის, არამედ მთელი მსოფლიო საბალეტო სამყაროსთვის ლეგენდარული პიროვნებაა, რომელმაც მამაკაცის ცეკვის ჩამოყალიბებაში უდიდესი როლი შეასრულა. მის შედეგთან დაახლოება და ცოტა სხვანაირად გაკეთება ძალიან საპასუხისმგებლო საქმეა“.

განახლებული სპექტაკლის დამდგმელი მხატვრის ალექსანდრე ვასილიევის აზრით, სპექტაკლის ახალ ვერსიას არავითარი საერთო არა აქვს გამოჩენილი სოლიკო ვირსალაძის მხატვრობასთან, რომელსაც ეკუთვნოდა ჭაბუკიანის სპექტაკლის სცენოგრაფია. „ჩვენ გთავაზობთ ახალ, 21-ე საუკუნის დადგმას. პუბლიკას დღეს ახალი ფერების, ახალი დეკორაციებისა და კოსტიუმების ნახვა სურს. ჩვენ შევქმენით ახალი ეპოქისა და თანამედროვე მაყურებლის ესთეტიკური მოთხოვნების შესაბამისი დეკორაცია და კოსტიუმები“.

„მე და ბატონმა ნუკრიმ ღირებული და საინტერესო ნომრები შევარჩიეთ, მაქსიმალურად შეიკვებოდა პანტომიმის ადგილები და აქცენტი მთლიანად ცეკვაზე გაკეთდა. ორკესტრმა დაძლია ეს საკმაოდ რთული პარტიტურა“, – განაცხადა დამდგმელმა დირიჟორმა რევაზ ტაკიძემ.

ბალეტის სამხატვრო ხელმძღვანელმა ნინო ანანიასვილმა იმედი გამოთქვა, რომ „ლაურენსია“ თბილისის საბალეტო დასის სავიზიტო ბარათი გახდება.



რევაზ ტაკიძე, ალექსანდრე ვასილიევი, ნუკრი მაღალაშვილი და ნინო ანანიასვილი

დაბრუნება სცენაზე

19 აპრილს, ორწლიანი შესვენების შემდეგ, სცენას დაუბრუნდა პრიმა-ბალერინა ნინო ანანიაშვილი, რომელიც სცენაზე ოდეტა-ოდილიას პარტიაში (პ. ჩაიკოვსკის „გედების ტბა“) გამოსვლით დაბრუნდა. მას პარტნიორობას ვასილ ახმეტელი უწევდა.

მაყურებელმა ხანგრძლივი ოვაცია გაუმართა მსოფლიოში აღიარებულ ვარსკვლავს. სცენაზე დაბრუნება ნინო ანანიაშვილს ერთ-ერთმა პირველმა, ლეგენდარულმა ვერა წიგნაძემ მიულოცა.

ვასილ ახმეტელი, ვერა წიგნაძე, ნინო ანანიაშვილი



ვახტანგ ჭაბუკიანისა და ვერა წიგნაძის ვახსკვლავები გედის თანავახსკვლავებში

საერთაშორისო ასტრონომიულ კატალოგში – „კოსმოსი-დედამინა“ შეტანილია ვახტანგ ჭაბუკიანისა და ვერა წიგნაძის ვარსკვლავები. ასეთი გადაწყვეტილება საზოგადოება „კოსმოსი-დედამინამ“ თბილისის ოპერისა და ბალეტის სახელმწიფო თეატრის საბალეტო დასის სამხატვრო ხელმძღვანელის ნინო ანანიაშვილის წარდგინების საფუძველზე მიიღო. 2007 წლის აპრილიდან გედის თანავარსკვლავედს საბალეტო სამყაროს ორი გამოჩენილი მოღვაწის სახელობის ვარსკვლავი დაამუშვენებს. ამ გადაწყვეტილების შესახებ ნინო ანანიაშვილმა და თეატრის მმართველმა დავით საყვარელიძემ 18 აპრილს, ჭაბუკიანის ქორეოგრაფიის


მიხედვით აღდგენილი ბალეტის, „ლაურენსიას“ პრემიერის წინ განუცხადეს თეატრში შეკრებილ საზოგადოებას. იმავე დღეს თეატრის ცისფერ დარბაზში გაიხსნა ფოტოგამოფენა და ვერა წიგნაძის ბიუსტი (მოქანდაკე პაატა გიგაური).



ვერა წიგნაძის ბიუსტი

2006 წლის ნომინანტები

საგამომცემლო სახლმა „სახელებმა“ მეხუთე, საიუბილეო, ყოველწლიური კატალოგი გამოსცა. „სახელები 2006“ გასული წლის ერთგვარი მატანია. მონვეული ჟურნალისტებისა და ექსპერტების წერილებში შეფასებულია 2006 წელს ქვეყნის საზოგადოებრივ-პოლიტიკურ ცხოვრებაში მომხდარი მნიშვნელოვანი მოვლენები. 700 გვერდიან კატალოგში ცალკე ადგილი აქვს დათმობილი 2006 წლის თბილისურ საბალეტო პრემიერებს. „სახელები 2006“-მა დაასახელა წლის მოცეკვავეები – ეს ტიტული ლალი კანდელაკსა და ირაკლი ბახტაძეს მიენიჭათ, გასულ წელს თბილისის ოპერისა და ბალეტის თეატრის სცენაზე შესრულებული სოლო პარტიებისათვის, განსაკუთრებით ბალეტში – „რომეო და ჯულიეტა“. სწორედ ეს ბალეტი იქნა მიჩნეული წლის საუკეთესო საბალეტო სპექტაკლად, ხოლო დამდგმელი მხატვარი დავით მონავარდისაშვილი წლის სცენოგრაფად იქნა დასახელებული. წლის დებიუტი – ასე შეფასდა ნინო გოგუასა და ლაშა ხოზაშვილის პირველი გამოსვლა ა. ადანის ბალეტში – „ჟიზელი“. „სახელები 2006“-ის პრეზენტაცია სასტუმრო „ქორთიარდ მარიოტში“ 15 სექტემბერს გაიმართა.





ბედის დაბრუნება

ილია თავაძირიძე

ნინო ანანიაშვილის საქართველოში დაბრუნების შემდეგ მომრავლებულმა საბალეტო დღესასწაულებმა გასულ გაზაფხულზე, შეიძლება ითქვას, პიკს მიაღწია. 18 აპრილს ზ. ფალიაშვილის სახელობის ოპერისა და ბალეტის თეატრში „ლაურენსია“ წარმოადგინეს. ვახტანგ ჭაბუკიანის ქორეოგრაფიის ახალი ვერსიის პრემიერამ საკმაოდ ემოციურად ჩაიარა. მეორე დღეს კი დღესასწაულის გმირი თავად პრიმა-ბალერინა გახლდათ. იგი სცენას დაუბრუნდა და პ. ჩაიკოვსკის „გედების ტბაში“ იცეკვა. ცნობილია, რომ „გედების ტბის“ დადგმის შემდეგ საბალეტო ხელოვნებას განვითარების ახალი ეტაპი დაუდგა. ამიტომ, გასაკვირი არ უნდა იყოს, რომ ნინო ანანიაშვილმა სწორედ ოდეტა-ოდილიას პარტიაში გამოსვლით გადაწყვიტა სცენაზე დაბრუნება. თუმცა თავად ხშირად აღნიშნავს, რომ ამ ბალეტთან ბევრი სასიამოვნო მოგონება აკავშირებს. საბალეტო კარიერა დიდ თეატრში მან სწორედ ოდეტა-ოდილიას პარტიაში გამოსვლით დაიწყო. თეატრში შეკრებილი და მის მიღმა დარჩენილი ათასობით გულშემმატკივარი კარგა ხანია ელოდა საბალეტო ვარსკვლავის თბილისურ სპექტაკლებს. პირად ცხოვრებაში ბედნიერი მოვლენის – ნინო ანანიაშვილი ერთი წლის წინ დედა გახდა – გამო მან ბოლო სპექტაკლი 2005 წლის იანვარში თბილისში იცეკვა (მარი, პ. ჩაიკოვსკის „მაკნატუნაში“), განვლილი ორი წელი კი – დაძაბული რიტმით იცხოვრა და საკუთარ თავში მონახა საიმისო ძალა, რომ მაყურებელს ისეთივე ნინო ანანიაშვილი ეხილა, როგორც წლების წინ ახსოვდათ. და ვისაც იგი არასოდეს უნახავს სცენაზე, მას არ უნდა გაუჩნდეს იმის განცდა, რომ პრიმა-ბალერინა შეცვლილია; მისი ცეკვა ისეთივე პოეტური და შინაგანი ექსპრესიითაა სავსე, როგორც წინათ. ოდეტას პირველი გამოსვლისთანავე ანანიაშვილმა სცენაზე შემოიტანა უდიდესი საიდუმლო გედის ცხოვრებისა, რომელსაც დახვეწილი ქორეოგრაფიული ლექსიკით მოუთხრობდა პრინცს (ვასილ ახმეტელი). იგი მასში ეძებდა მხსნელს, რომელსაც ჯერ სახესაც არ უჩვენებდა და დიდი, მუქი, შეშინებული თვალებით მკლავებს ქვევიდან იცქირებოდა. ასე დაიწყო სიყვარულის თემის განვითარება პრიმა-ბალერინამ, რომელიც მთელი თეთრი სცენის განმავლობაში პარტნიორთან გულწრფელი დიალოგით წარმართა.

გაუმართლა თეატრში ახლახან დაბრუნებულ ვასილ ახმეტელს. მერსინისა და მაკედონიის თეატრებში ათწლიანი მოღვაწეობის შემდეგ იგი კვლავ დასის სოლისტია და უკვე ორჯერ იცეკვა „გედების ტბაში“. პირველ სპექტაკლში – დიდი თეატრის პრიმა-ბალერინასთან, მარია ალექსანდროვასთან, ახლა კი – ნინო ანანიაშვილთან ერთად. მათი დუეტი „გედების ტბაში“ პოეტურიც იყო და სევდიანიც. მაგრამ, ამის განმაპირობებელი მაინც ნინო ანანიაშვილი გახლდათ, რომლის მოძრაობის ყოველი შტრიხი, ხელის მტევნების საოცარი თრთოლვა, თავის თითქოს შეუმჩნეველი დახრა, კორპუსის მსუბუქი მიმოხვრა მთელ სპექტაკლს გასდევდა.

ანანიაშვილის ჰაეროვანი პლასტიკა, მსუბუქი ნახტომი და ცეკვის მანერა პარტნიორს ეხმარებოდა თავისუფალი ყოფილიყო თავისი ვარიაციებისას. გრძელი და რთული „თეთრი ადაჟიოს“ პლასტიკური ტექსტის თითოეული ფრაზით, ორმაგი პირუტებით, არაბესკებით, პარტნიორის მიერ ხელში ზევით აწევითა და ქორეოგრაფიულად სწორად დასმული აქცენტებით შემსრულებლებმა მუსიკისა და საკუთარი შინაგანი თავისუფლების ჰარმონიულობას მიაღწიეს. და როცა ოდეტა-ანანიაშვილი პარტნიორის ხელებზე გადაიხარა და მთელ სიგრძეზე გაიშალა, ეს მომენტი ზუსტი პოეტური ინტონაცია აღმოჩნდა გედის შინაგანი ემოციის გადმოსაცემად.



ოდეტა - ნინო ანანიაშვილი, ზიგფრიდი - ვასილ ახმეტელი

მაგრამ, ახლა არაა აუცილებელი იმაზე საუბარი, როგორი იყო მისი ტექნიკური მოძრაობები, პირუეტები და 32 ფუეტე, რომელიც ბრწყინვალედ შეასრულა. ეს ნინო ანანიაშვილის კარიერისათვის აღარაა მნიშვნელოვანი. ამას ყურადღებას ოცდახუთი წლის წინ აქცევდნენ, როცა იწყებოდა მისი აღმასვლა საბალეტო სამყაროში და საერთაშორისო კონკურსებს იპყრობდა თავის პარტნიორებთან ერთად. დღეს ის ოსტატია, მსოფლიო მნიშვნელობის მოცეკვავე, რომლის ყოველ ნიუანსს სცენაზე თავისი დატვირთვა აქვს. იგი უკვირდება საკუთარ საცეკვაო ლექსიკას და უბრალოდ კი არ კითხულობს ლევ ივანოვისა და მარიუს პეტიპას გაუხუნარი ქორეოგრაფიის საიდუმლოს, არამედ ცდილობს, მაყურებელიც გაიყოლოს ამ საოცრად საინტერესო და დრამატულ სამყაროში. აქ ყველაფერი ბუნებრივია და არ არის შეთხზული. ზოგჯერ ჩაფიქრებული და თავდახრილია მისი ოდეტა, შემდეგ სახე უბრწყინდება, მორცხვად ილიმის და ასე გადმოსცემს გედის სულიერ მდგომარეობას, რომლის მსგავსი მსოფლიო ბალეტის ისტორიამ მხოლოდ რამდენიმე იცის. ნინო ანანიაშვილი არ ცეკვავს მხოლოდ მოცემული ქორეოგრაფიული ტექსტის დაცვით, იგი უშუალოდ გრძნობს, განიცდის და ცხოვრობს გმირის ცხოვრებით. კულისებიდან ვადევნებდი თვალს ამ მშვენიერებას და როცა პრინცთან პირველი შეხვედრით დამფრთხალი ოდეტა-ანანიაშვილი სცენის მარჯვენა კუთხეში ხელანეული ცდილობდა სახის დაფარვას, პრინცის მოახლოებისას თითქოს შეშინებული ისე შეკრთა, რომ იფიქრებდი, იგი მართლა არ ელოდა მის გამოჩენას.

სრული კონტრასტი იყო ნინო ანანიაშვილის გამოსვლა მეორე მოქმედების მეჯლისის სცენაში. ოდილია – შავი გედის გასაოცარი მიმოხვრით შემოიჭრა იგი სცენაზე როტბარტთან – ირაკლი ბახტაძესთან ერთად. ამაყი, ოდნავ ირონიული და მედიდური გამომეტყველებით ცეკვავდა პა დე დეს.

„გედების ტბამ“ დროთა განმავლობაში ბევრი ცვლილება განიცადა. გამონაკლისი არც თბილისური სპექტაკლია, სადაც ფინალში პრინცი სიზმარში იღუპება და სარეპეტიციო დარბაზში გამოღვიძებული ცდილობს მეხსიერებაში აღიდგინოს ოდეტას სახე.... მაგრამ, ფინალურ სცენაში, სარკეებიან დარბაზში მონარნარე თეთრი გედი – ნინო ანანიაშვილი არ ახდენს გამქრალი, სიზმრისეული გედის ასოციაციას. ის სიყვარულისთვის ძლიერი, გულისხმიერი და პოეტური გმირია.

როტბარტის პარტია „გედების ტბის“ თბილისურ რედაქციაში არ არის ბევრი ვარიაციით დატვირთული, მაგრამ პირველ მოქმედებაში ირაკლი ბახტაძემ ვარიაცია ენერგიულად და ტექნიკურად ზუსტად იცეკვა, მეორე მოქმედებაში კი მისი ხასიათის მანერა და შესტები შავი გედის შინაგან განწყობასთან იყო თანხვედრილი.

ნინო ანანიაშვილის ცეკვასთან ერთად საკმაოდ კარგად გამოიყურებოდა თეატრის კორდებალეტი. მთლიანობაში სპექტაკლი წარმატებული და საზეიმო გამოდგა.

ნინო ანანიაშვილის დაბრუნება სცენაზე პრიმა-ბალერინას კარიერაში ახალი და მნიშვნელოვანი ეტაპია. ურთულესი შრომით იქნა მიღწეული თავად ეს კარიერა, რომელმაც ბევრი გამარჯვება მოუტანა მას. მახსენდება, იგორ ზელენსკიმ, მსოფლიო ბალეტის ვარსკვლავმა, თბილისში ინტერვიუს დროს მითხრა: „ნინო ანანიაშვილი არის მაგალითი იმისა, თუ როგორ უნდა ააგო ბალეტში საკუთარი კარიერა“. სიმართლე გითხრათ, ამ სიტყვებზე ახლა უფრო დავფიქრდი, როცა ერთხელ დანიშნული სპექტაკლის წინ მან ტრავმა მიიღო და უმოკლეს დროში შეძლო ფორმის აღდგენა; როცა ვუცქერდი მის რეპეტიციებს, სადაც იგი გრიმის, დეკორაციისა და კორდებალეტის გარეშე, პარტნიორებთან ერთად, სრულყოფდა ცეკვის სტილს, აზუსტებდა ნახაზს (ასეთი მასტერ-კლასი ნებისმიერი თეატრის საბალეტო დასისთვის საოცნებო იქნება); როცა ვხედავდი, რამდენად თავმდაბალია იგი რეპეტიტორებთან, რომლებიც მასთან მუშაობდნენ, როგორ იღებდა მათგან რჩევებს, შენიშვნებს პრიმა-ბალერინა, რომელიც ოცდახუთი წელია ცეკვავს და მსოფლიოში არ დარჩენილა თეატრი, რომლის სცენაც არ დაეპყროს მის მშვენიერ ცეკვას.

მაგრამ, 19 აპრილის სპექტაკლი თბილისში კიდევ ერთი მომენტით იყო მნიშვნელოვანი. დიდი თეატრისა და ამერიკის ბალეტის თეატრის (ABT) პრიმა-ბალერინა, თბილისის ზ. ფალიაშვილის სახელობის ოპერისა და ბალეტის თეატრის პრიმა-ბალერინა გახდა. ეს ხომ არ იყო ერთი გამოსვლა ერთ სპექტაკლში. 6 მაისს მან ანდრეი უვაროვთან ერთად იცეკვა „დონ კიხოტში“, შემდეგ კი ამერიკასა და იაპონიაში გამოდიოდა გასტროლზე, ახალი სეზონის დასაწყისიდანვე ის თეატრის რეპერტუარში არსებულ ბევრ სპექტაკლში გამოვიდა. ეს თბილისის ოპერისა და ბალეტის თეატრისათვის მნიშვნელოვანი მოვლენაა.

ოდილია – ნინო ანანიაშვილი, როტბარტი – ირაკლი ბახტაძე



დაცხენსია

მარი გურგენიძე



ლაურენსია - ლალი კანდელაკი, ფროდოსო - დავით ხოზაშვილი

ლოპე დე ვეგას „ფუნტე ოვეხუნა“ – „ცხვრის წყარო“ ქართულ თეატრალურ სივრცეში ყოველთვის ორმაგი დატვირთვისა და ფუნქციის მატარებელი დრამატურგიული ნაწარმოებია.

ესპანელი დრამატურგის პიესაში მოქმედება სოფელში – ცხვრის წყაროში, მიმდინარეობს. აბოპოქრებული სოფელი (ანუ გაცხარებული ცხვრები), კომანდორის მოკვლით უსამართლობის წინაშე იმხედრებს და თავისუფალი ნების გამოხატულებად გვევლინება. პიესაში არსებული პრობლემის გადაჭრის გზას ზუსტად ესადაგება ერთი ძველი ქართული ანდაზა „ცხვარი ცხვარია, თუ გაცხარდა ცხარეა“. სწორედ ამ გაცხარებული ცხვრების შედეგია სოფელში მომხდარი ჯანყი, რომელსაც ლაურენსია, როგორც ყოჩი, ისე მიუძღვის წინ.

მე-20 საუკუნის ოციან წლებში კოტე მარჯანიშვილის მიერ დრამატულ თეატრში განხორციელებული ამ სპექტაკლით გაცხადდა ახალი თეატრალური ესთეტიკა, რასაც ცეცხლოვანი „დურუჯის“ შექმნა, ძველი „ბენჯ-დამძვრალი, მელოტთავიანი“ დრამატურგებისა და „ბებერი კამეჩების“ (მსახიობების) რუსთაველის პროსპექტზე „გასეირნება“ მოჰყვა.

მარჯანიშვილის „ცხვრის წყაროს“ ჯანყი აღმოჩნდა ქართული კულტურის სფეროში მიზანმიმართული თეატრალური ევოლუციის დასაწყისი. კ. მარჯანიშვილის ესთეტიკის ერთგვარი გამგრძელებელი ვ. ჭაბუკიანი, პირველად ლენინგრადის თეატრში, ხოლო შემდგომ თბილისის ზ. ფალიაშვილის სახელობის ოპერისა და ბალეტის თეატრში დგამს თავის ცნობილ და ერთ-ერთ საუკეთესო ბალეტს – „ლაურენსიას“.

სპექტაკლისათვის სათაურის შეცვლა სულაც არ ყოფილა შემთხვევითი.

სოციალისტური სახელმწიფოს პოლიტიკური იდეოლოგია ქმნიდა ახალ მითს გმირების შესახებ. ახალი გმირის, ანუ ინდივიდის ინდივიდუალიზმიც, ანუ გამორჩეულობის ფაქტორიც, ჩადენილი საქციელის (თავგანწირვის) ხარისხით განისაზღვრებოდა და არა იდეათა შინაარსობრივი მრავალფეროვნებით. ხალხს მხოლოდ ყიჟინისა და შეძახილის ფუნქცია ჰქონდა დაკისრებული.

ბუნებრივია, ვ. ჭაბუკიანის ბალეტში მთავარი გმირის სახელის სპექტაკლის სახელწოდებად გამოტანა თავისთავად გასაგებს ხდიდა ბალეტის იდეურ – თემატურ ჩანაფიქრს, სადაც ხალხი – კორდებალეტი მხოლოდ ცხვრის წყაროს ანუ სოფლის სახის ილუსტრაცია იქნებოდა.

ვ. ჭაბუკიანის ბალეტსა და ნუკრი მაღალაშვილის მიერ აღდგენილ „ლაურენსიას“ შორის, ჩვენი აზრით, არსებითი განსხვავებაა. პიესაში არსებული აქცენტები გადაადგილებულია, უფრო სწორად ვ. ჭაბუკიანის მიერ შეცვლილი აქცენტი თავის ჩვეულ ადგილს უბრუნდება. გმირების გრძნობათა ბუნება სხვა პრიზმაშია გატარებული და ისინი სრული სახით წარმოჩნდებიან. რაც შეეხება ქორეოგრაფიულ მონახაზს, ის ტექნიკურად კიდევ უფრო გართულებული და მრავალფეროვანი გვეჩვენება და შემსრულებელთა უდიდეს ოსტატობას მოითხოვს. ყველა ზემოთ ჩამოთვლილი სახეცვლილების შედეგად თავისთავად გასაგები ხდება, რომ საქმე გვაქვს ახალი სპექტაკლის დაბადებასთან და არა, ძველი, გენიალური სპექტაკლის უბრალო აღდგენასთან.

ნუკრი მაღალაშვილის ქორეოგრაფია საკმაოდ დახვეწილი, ორიგინალური და ექსპრესიულია. უჩვეულო პოზები, შეიძლება ითქვას, ვირტუოზულიც, საკმაოდ თამამი და თვალშისაცემი სილამაზითაა მოწოდებული. ჭაბუკიანისეული პა დაქსონი და ძირიდადი ვარიაციები უცვლელადაა დატოვებული ბალეტში. ლალი კანდელაკის (ლაურენსია) ცეკვაც ჭაბუკიანისეულ ნახაზს მიყვება, რომელიც ნახტომებსა და პირუტყბზეა აგე-

ბული და თავისი სირთულით მამაკაცის ვარიაციის მსგავსია. იგი წრეზე გაკეთებული მრავალჯერადი პა დე შათი გვირგვინდება, რომელიც პრიმა ბალერინამ ვირტუოზულად შეასრულა. ნუკრი მაღალაშვილი არ ამარტივებს ჭაბუკიანის ამ მიმართულებას და პირველ მოქმედებაში დგამს ლაურენსიასა და ფრონდოსოს ურთულეს ადაჟიოს, სადაც პირუეტების კასკადი, ჰაერში გაკეთებული ყუტეები, წამყვანი სოლისტების მიერ უნაკლოდ იქნა შესრულებული.

ლაურენსიას პარტიის შემსრულებელი ლალი კანდელაკი მკვეთრად გამოხატული ინდივიდუალური სამემსრულებლო მანერითა და ძლიერი პირუეტებით ტექნიკურად ურთულეს პარტიას ბრწყინვალედ ასრულებს. დინამიკურობა და თავბრუდამხვევი ტემპო-რიტმი სპექტაკლს რომანტიკულ ხიბლს ართმევს და გმირებს მკაცრი რეალობის წინაშე აყენებს. ამიტომაც, ლალი კანდელაკის ლაურენსია შორს დგას მხოლოდ მეოცნებე, შეყვარებული ქალის მხატვრული სახის გადანყვებისგან. მისი გმირი ფრონდოსოს (დათო ხოზაშვილი) წინაშეც დაუმორჩილებელი ქალია, რომელიც სიტყვებით არასდროს ტყუვდება და რომელსაც მამაკაცის დაპირებები ბევრს არაფერს ეუბნება.

ვ. ჭაბუკიანის შესრულებისაგან განსხვავებით, დათო ხოზაშვილის ფრონდოსო ნაკლებად გმირულია. შეიძლება ეს ყოველივე ვ. ჭაბუკიანის სახესთან იდენტურობის საშიშროებამ გამოიწვია, შეიძლება პირიქით, მასთან დაშორების სურვილმა წარმოშვა; ან, ბოლოს და ბოლოს, შეიძლება სულაც ერთ ჭეშმარიტებაშია საქმე: ვ. ჭაბუკიანი არ მეორდება და ამაში დათო ხოზაშვილს ყველაზე ნაკლებად მიუძღვის ბრალი. საკმაოდ რთული ამოცანაა მოცეკვავისათვის გენიოსის ნაფეხურებზე გავლა და მით უმეტეს მაშინ, როდესაც ეს ნაფეხურები პირდაპირი და ირიბი გზით მხოლოდ გენიოსისა და მისი შესაძლებლობების მაქსიმუმის გამოსავლენად არის გავლებული. სიმართლე უნდა ითქვას – ვ. ჭაბუკიანი თავისი ბალეტების ქორეოგრაფიას საკუთარი შესაძლებლობების გათვალისწინებით აგებდა. ამიტომაც არსებობდა მის შესრულებაში შეუძლებლის შესაძლებლობა, ასეთი თავბრუდამხვევი და აღმაფრთოვანებელი ცეკვა და სულიერი შემართება. დავით ხოზაშვილი შეეცადა ორიგინალური, საკუთარი ხაზი მოეძებნა ფრონდოსოს პარტიის გააზრებისათვის და შეძლო კიდეც ეს.

საბალეტო სპექტაკლებისთვის ხშირად დამახასიათებელი მოჩვენებითობა, განყენებული და ფორმაში არსებული მხატვრულობა, მთავარი გმირების გარდა, ყოველივეს სტატიკურსა და უმოძრაოს ხდის. „ლაურენსიაში“ კი პირიქითაა, კორდებალეტი სიცოცხლით ხარობს და სპექტაკლიც ერთ დიდ კორიდას ემსგავსება, სადაც ყურადღების წამიერი მოდუნება გამოუსწორებელი შეცდომის წინაშე აყენებს გმირებს, რომელთა გამოკვეთილი ქორეოგრაფიული ტექსტი თავიანთი შესრულებით ადვილად და საინტერესოდ აღსაქმელი გახადეს წამყვანი პარტიების შემსრულებლებმა. მათ შორის გვინდა დავასახელოთ ლაშა ხოზაშვილი (მენგო), ცისია ჩოლოყაშვილი (პასკუალა), ნინო გოგუა (ხასინტა), შორენა ხაინდრავა (სოლო ვარიაცია ბოშურში), მაია ილურიძე, დავით ანანელი (სოლო პარტიები კასტანიეტებით ცეკვაში).



სპექტაკლი თავისი თავბრუდამხვევი ტემპერამენტითა და ექსპრესიულობით მართლაც კორიდას თავაშვებულ, ცეცხლოვან სანახაობას წააგავს. ნუკრი მაღალაშვილის ქორეოგრაფიაში ორგანულად ერწყმის ერთმანეთს ხალხურობა და აკადემიური ფორმები. თითოეული მოცეკვავის სახე, ფუნქცია, ამოცანა ზუსტადაა მოფიქრებული და გააზრებული. რეჟისორული ხედვა და კონცეფცია, რომლის ნაკლებობასაც, უფრო სწორად, არარსებობას განიცდის ხშირად საბალეტო სპექტაკლები, „ლაურენსიას“ ახალ რედაქციაში სიზუსტით ხორციელდება. პრობლემის დასმა, მისი გადაწყვეტის გზები და ხერხები, უჩვეულო და ემოციური ფონი, საბალეტო სპექტაკლს დრამატული სპექტაკლის პრინციპზე აგებს და სტატიკურ სახეთა გაღერეას სპექტაკლის ორგანულ ნაწილად აქცევს. ცხვრის წყარო – კორდებალეტი, „ლაურენსიაში“ ემოციური საშემსრულებლო მანერით, თვალშისაცემი ოსტატობითა და სინქრონული შესრულებით ბრწყინვალე ანსამბლს ქმნის. თავისუფლებისათვის ბრძოლისა და საკუთარი დაუმორჩილებელი ნების გამოხატულებად სპექტაკლში სწორედ ეს მასა – კორდებალეტი გვევლინება. ლალი კანდელაკის ლაურენსია „გაცხარებულ ცხვრებს“ ამბოხებისაკენ უბიძგებს. ამბოქრებული, აზვირთებული ტალღა, ჯოხებით ხელში, კომანდორის სასახლეს შეესევა. ემოციური, ქორეოგრაფიულად ლამაზი და დრამატულად ზუსტად გააზრებული ფინალი მაყურებელზე ძლიერ ზემოქმედებას ახდენს.

დამდგმელმა ქორეოგრაფმა მინიმუმამდე დაიყვანა პანტომიმის ელემენტები და თითქმის ყველა ძირითადი სცენა ქორეოგრაფიული ტექსტით შემოგვთავაზა, რომელიც ძირითადად არაბესკზეა აგებული (მაგ; ამბოხებული ქალების ცეკვა კომანდორის სასახლესთან).

ვ. ჭაბუკიანის „ლაურენსიას“ აღდგენით დიდი შემოქმედის კიდევ ერთხელ დაფასება და პატივისცემა გაცხადდა, მაგრამ, ბალეტის ახალი რედაქცია გასცდა მხოლოდ პატივისა და დიდების მიგების საზღვრებს და დამოუკიდებელი არსებობის უფლება მოიპოვა.



ბოჰუმი – შორინა ხაინდრაპა



პასკუალა – ცისია ჩოლოყაშვილი, მინგო – ლაშა სოზაშვილი



პასკუალა – მარია ალექსიძე, ხანინტა – ნინო ორიაშვილი

ადექსანდრე გიანტი:

„ამაო სიფრთხილის“ პრემიერიდან ორი წლის შემდეგ თბილისში იმყოფებოდა ალექსანდრე ბრანტი, ინგლისის სამეფო ბალეტის ყოფილი მოცეკვავე, „ამაო სიფრთხილის“ დადგმის ლიცენზიის მფლობელი. იგი ჩვენს თეატრს მეორედ ეწვია. 2005 წელს მას არ მიეცა საშუალება პრემიერას დასწრებოდა. ამჯერად კი დასთან რამდენიმე რეპეტიციამ გაართა. ბრანტი სოლისტივსა და კორდებალეტთან მუშაობით კმაყოფილი დარჩა. თბილისიდან გამგზავრების წინ მან ინტერვიუ მისცა ტელეკომპანია „მზის“ საინფორმაციო პროგრამას.

„თქვენს დასთან მუშაობა სასიამოვნო იყო“

ამ ბალეტში თქვენ იყავით ალანის პარტიის პირველი შემსრულებელი.

ეს არაჩვეულებრივი დრო იყო, 1960 წელი. პირველივე სადამოს დიდი წარმატება გექნოდა, იყო პრესისა და მყურებლის არაჩვეულებრივი შეფასება.

და ოთხი ათეული წლის შემდეგ თქვენ ეს ბალეტი თბილისში დადგით. როგორი იყო სამუშაო პროცესი 2005 წელს და ვინ მოგინვით საქართველოში?

რა თქმა უნდა, ნინო ანანიაშვილმა. ჩვენ ხომ დიდი მეგობრები ვართ. ნიუ იორკსა და ლონდონში ხშირად ვხვდებოდით ერთმანეთს. მაშინ მოვილაპარაკეთ, რომ თბილისში დაგვადგინო „ამაო სიფრთხილეს“. ნინო დიდი მოცეკვავეა, ხშირად მინახავს, რომ მისი სპექტაკლებიდან პუბლიკა ღიმილიანი გამოდიოდა. როგორც სამხატვრო ხელმძღვანელს, სავსებით სწორი მიმართულებები აქვს. აქცენტი კეთდება კლასიკურ ბალეტებზე. მომწონს, რომ რეპერტუარში ასევე არის ბალანჩინის ბალეტები. სასიამოვნო იყო მუშაობის პროცესი. თბილისში დიდი დროით არ ვიყავი, მაგრამ მაშინვე მივხვდი, კარგი მოცეკვავეები გყავთ. თუმცა, ამ სპექტაკლის ზოგიერთ სცენას დახვეწა სჭირდება. სწორედ ამიტომ ვარ დღეს აქ.

თქვენ მსოფლიოში ცნობილი მოცეკვავე ბრძანდებით, ვისთვისაც სპექტაკლებს დგამდნენ საუკეთესო ქორეოგრაფები. თქვენ დგამდით ვინმესთვის?

როცა ახალგაზრდა ვიყავი, ქორეოგრაფიაში ვცადე ბედი, მაგრამ ეს ჩემი საქმე არ იყო. მცირე პერიოდი დავუთმე. უფრო Workshop-ებს ვატარებდი.

საქართველოზე, ჩვენს საბალეტო სკოლაზე აქ ჩამოსვლამდე თუ გასმენიათ რაიმე?

რა თქმა უნდა. ლონდონში მითხრეს, რომ ჭაბუკიანი უდიდესი მოცეკვავე იყო. პირველი, რაც აქ ჩამოსვლისას გავაკეთე იყო ის, რომ მოვინახულე მისი სახლ-მუზეუმი და მაშინვე მივხვდი, რა ღირებული ადამიანი იყო ის საქართველოსათვის და საერთოდ, საბალეტო ხელოვნებისათვის.

საბალეტო ხელოვნებაში დღევანდელ მდგომარეობას როგორ აფასებთ. არიან თუ არა დღეს ინდივიდუალური სტილით გამორჩეული ქორეოგრაფები?

ასეთი პროფესიონალების ნაკლებობაა. კლასიკურ ბალეტში ეს პრობლემა არაა. თუმცა გამოვყოფდი ამერიკაში მოღვაწე ქრისტოფერ უილიამსს, რომელსაც საკუთარი სტუდია აქვს, ძალიან კარგი პროფესიონალია. ახლა სხვა ტენდენციებია, შეიცვალა სწავლების მეთოდიც. ადრე იყო ირლანდიური, იტალიური სტილი. ახლა საბალეტო სკოლებში უფრო რუსული სკოლის გავლენა იგრძნობა. მაგრამ ეს ახალისებს ცხოვრებასაც და ხელოვნებასაც. მეც ბედნიერი ვარ იმით, რომ მოვიარე ბევრი ქვეყანა და ვნახე სხვადასხვა ქვეყნის კულტურა.

ჩვენთან კიდევ აპირებთ რაიმეს დადგმას?

უახლოესი გეგმები ფლორიდაში მაქვს. ეს ნინოს უნდა შეეკითხოთ. თანაც არც ისე ახალგაზრდა ვარ. ქართულ ბალეტს ყოველივე საუკეთესოს ვუსურვებ.

ინტერვიუს უძღვებოდა ნინო ახვლედიანი

იბეჭდება ტელეკომპანია „მზის“ თავაზიანი ნებართვით.



ბენ სტივენსონი:

„ამჟღეხად დასის მესაძლებლობებს კსწაკვობ“



ბენ სტივენსონი - 1976-2003 წლებში ჰიუსტონის ბალეტის სამხატვრო ხელმძღვანელი, სეფლერს უელსისა და ინგლისის ნაციონალური ბალეტის ყოფილი წამყვანი სოლისტი, თბილისში ნინო ანანიავილის მოწვევით იმყოფებოდა. იგი მსოფლიოში ცნობილი ქორეოგრაფია. მისი პირველი საბალეტო სექსტაქტი - „მძინარე მზეთუნახავი“, 1967 წელს, ინგლისის ნაციონალური ბალეტის თხოვნით დაიდგა. სექსტაქტი მთავარ პარტიას მარგო ფონტინი ცეკვავდა. შემდეგ სტივენსონი აშშ-ში გადავიდა და ვაშინგტონის ნაციონალური ბალეტისთვის დადგა „კონია“. ამ სექსტაქტით გაიხსნა კენედის ცენტრი. 1976 წელს იგი ჰიუსტონის ბალეტის სამხატვრო ხელმძღვანელად დაინიშნა და 27 წელი ხელმძღვანელობდა ამ დასს. ბენ სტივენსონი დგამს ბალეტებს ინგლისის ნაციონალური ბალეტის, ამერიკის ბალეტის თეატრის, პარიზის გრანდ ოპერის, ლა სკალას, კანადის, მიუნხენის, ლონდონის, სანტიაგოსა და სხვა საბალეტო თეატრებისათვის.

2003 წლიდან ტახასის საბალეტო თეატრის სამხატვრო ხელმძღვანელია.

ბენ სტივენსონს ეკუთვნის როგორც კლასიკური საბალეტო სექსტაქტების საკუთარი ვერსიები („გადავის ტბა“, „ღონ კიხოტი“, „მაკნატუნა“, „მძინარე მზეთუნახავი“, „კოპალია“, „რომეო და ჯულიეტა“), ასევე საკუთარი ორიგინალური ბალეტები „ღრაკულა“, „თოვლის დედოფალი“, „კლეოპატრა“.

„თბილისში ჩემი ჩამოსვლა ამჟერად დასის შესაძლებლობების შესწავლას ისახავს მიზნად, – **განაცხადა ჩვენთან საუბარში ბენ სტივენსონმა.** რამდენიმე კლასი ჩავატარე როგორც კორდებალეტთან, ასევე სოლისტებთან და კმაყოფილი ვარ. მათთვის ჩემი გაკვეთილები განსხვავებულია, შეიძლება უცნაურიც კი. მაგრამ, მთლიანობაში კარგად გამოსდით მუშაობა. თებერვალში ამერიკაში დაგეგმილია თქვენი დასის გასტროლები. იმედი მაქვს, სპექტაკლებს დავესწრებ და უფრო შთამბეჭდავი წარმოდგენა შემექმნება.

თქვენ გეკუთვნით კლასიკური ბალეტების თქვენული ვერსიები, ასევე თანამედროვე საბალეტო სპექტაკლები. თბილისში რის დადგმას აპირებთ, გაქვთ უკვე მონახაზი?

ეს იქნება დიდი ბალეტი, ალბათ, კლასიკური მემკვიდრეობიდან.

რომელ დადგმას ანიჭებთ უპირატესობას – კლასიკურს თუ თანამედროვეს?

თავდაპირველად კლასიკური ბალეტების დადგმა დავიწყე, შემდეგ ახალ ქორეოგრაფიას ვაკეთებდი. მათ შორის არსებული სივრცე თანდათან მცირდება. ამიტომ ჩემს ბალეტებს ნეოკლასიკურ სტილს მივაკუთვნებდი. ამ სფეროში დიდი სიფრთხილეა საჭირო, რომ არ მოხდეს საბალეტო ხელოვნების ერთ ადგილზე გაყინვა. „გედების ტბა“, „ღონ კიხოტი“, „მაკნატუნა“, „მძინარე მზეთუნახავი“ და სხვა კლასიკური ბალეტები ყოველთვის მიიზიდავს მაყურებელს. საჭიროა, მათი სახე შევინარჩუნო.

ნოთ, ამისთვის ახალი იდეებია საჭირო. გარდა ამისა, ყოველი ახალი ბალეტი შეიძლება გადაიქცეს კლასიკურ ნაწარმოებად, რასაც ნიჭიერი ქორეოგრაფები სჭირდება. ისინი, საბედნიეროდ, არიან. აი, თქვენს რეპერტუარში არის ბალანჩინის ბალეტები. მან ბევრი დადგა და ამავე დროს, პირველი იყო, ვინც კლასიკური ბალეტების ახალი რედაქციის შექმნა დაიწყო („გედების ტბა“, „მაკნატუნა“). მას არაჩვეულებრივად ესმოდა მუსიკა და ისე ქმნიდა. ამიტომაც უხარიათ მოცეკვავებს მისი ბალეტების ცეკვა, მაყურებელიც აღფრთოვანებაში მოჰყავს.

თბილისში ნინო ანანიავილის მოწვევით ჩამოსვდით. თქვენ მისთვის სპეციალურად დაგამდით. ამ თანამშრომლობის გაგრძელებას აქაც აპირებთ?

ნინო პირველად ფინეთში ვნახე, კლასზე შევამჩნიე. მაშინ „კონიას“ ვდაგამდი და ბალერინა მჭირდებოდა. დასის ერთ-ერთმა ხელმძღვანელმა მითხრა, რომ ის სტუმარი იყო, რის გამოც ცოტათი უხერხულობა ვიგრძენი. მაგრამ გადაწყვეტილება მაინც მივიღე. შემდეგ ჰიუსტონის ბალეტში მივიწვიე და სპეციალურად მისთვის დავდგი „თოვლის დედოფალი“. ძალიან საინტერესო სპექტაკლი გამოვიდა. მას პარტნიორობას უწევდა ასევე ნიჭიერი მოცეკვავე კარლოს აკოსტა. არ ვიცი, თავად რას გადაწყვეტს. მინდა ვთქვა, რომ საუკეთესო ფორმაშია“.

ბენ სტივენსონმა თბილისის საბალეტო დასთან ერთი კვირა იმუშავა და კმაყოფილი დარჩა. სავარაუდოდ, იგი თბილისის მომავალ თეატრალურ სეზონზე ეწვევა და დასისათვის ახალ ბალეტს დადგამს.

ღებენდა რუსული ირინა კოლვაკოვა, მარინა თეატრის პრიმა-ბალერინა, ამჟამად ამერიკის ბალეტის თეატრის ვადაგოში, თბილისში მუშაობს, ცნობილ მოცეკვავებთან ვლადიმერ სემიონოვთან ერთად ჩამოვიდა. ორი კვირის განმავლობაში ისინი აქლავდნენ კლასებს და ატარებდნენ რეპეტიციებს ჩვენი მსახიობებისათვის.

ვეტერანების ბალეტის ისტორია წარმოუდგენელია ირინა კოლვაკოვას გარეშე, თავად პრიმა ბალერინას ბიოგრაფია კი – ვეტერანების გარეშე. მისმა დიდმა შემოქმედებამ დაამშვენა მარინას თეატრის ისტორია. რუსული კლასიკური საბალეტო სკოლის ერთ-ერთი ფუძემდებლის აგრიპინა ვაგანოვას გოლო მოსწავლემ მთელი ეპოქა შექმნა საბალეტო ხელოვნებაში. საქართველოსთან ირინა კოლვაკოვას და ვლად სემიონოვს დიდი და სანიტარული ურთიერთობები აკავშირებთ.

იხინა კოლვაკოვა:

„კმაყოფილი ვაჩქეხთყდი ბადეტის დონით“

ნინო მღვავაძე

აგრიპინა ვაგანოვას ბოლო მოსწავლე დღესაც აგრძელებთ რუსული საბალეტო სკოლის ტრადიციებს. ეს თქვენს რეპეტიციებსაც ეტყობა...

სულ სხვაა რუსული სკოლა, ე.წ. ვაგანოვას სკოლა. იქ აღზრდილებს სხვა ხელნერა გვაქვს. მე დავამთავრე ლენინგრადის ქორეოგრაფიული სასწავლებელი, რომელიც ახლა აკადემიაა და ვაგანოვას სახელს ატარებს. ის უჩვეულოდ კარგი ადამიანი და ამავდროულად, არაჩვეულებრივი პედაგოგი იყო. სულ მუდამ სიასლის მაძიებელი გახლდათ. ამიტომაც იყო ლენინგრადის სკოლა საოცრად განსხვავებული. მის მიერ შექმნილი საბალეტო სისტემა დღესაც ძალიან კარგად მუშაობს. მან შესანიშნავად შეუსაბამა ერთმანეთს იტალიური, ფრანგული, დანიური საბალეტო სკოლების გამოცდილება და შექმნა უნიკალური მეთოდიკა, რომლითაც დღესაც ვხელმძღვანელობთ.

ამჟამად ამერიკაში ვმოღვაწეობ. კარგად ვამჩნევ, რომ სხვა ქვეყნებიდან ჩამოსულ ადამიანებს არა აქვთ არავითარი მეთოდიკა. ყოველი მათგანი ასწავლის ისე, როგორც სურს. იქ მუშაობს ძალიან ბევრი ნიჭიერი ბალერინა, რომლებიც ბალანჩინთან ცეკვავდა. დღეს ისინი თავად ასწავლიან სხვებს, მაგრამ ძალიან ეტყობათ, რომ არა აქვთ გავლილი სისტემური სკოლა.

ნინო ანანიაშვილი დგამს უამრავ ახალ სპექტაკლს, ჩამოჰყავს ბევრი ქორეოგრაფი, მაგრამ ძირითადად ისინი სწორედ რუსული სკოლის კურსს მიჰყვებიან. კმაყოფილი ვარ, რომ ქართული ბალეტი ასეთ დონეზე დგას.



Arabesque



ირინა კოლვაკოვა, მიხეილ ბარიშნიკოვი
და გობი ალექსიძე რეპეტიციზაზ

ეს თქვენი პირველი ჩამოსვლა არ არის თბილისში და ბუნებრივია, კარგად იცნობდით ქართულ ბალეტს. ცნობილია თქვენი შემოქმედებითი პარტნიორობა ვახტანგ ჭაბუკიანთან. როგორ გაიხსენებთ „ცეკვის ჯადოქარს“?

მე ჯერ კიდევ სასწავლებელში ვსწავლობდი, როცა ვახტანგ ჭაბუკიანი კიროვის თეატრში ჩამოვიდა. მის ირგვლივ არაჩვეულებრივი ატმოსფერო სუფევდა. გადაჭარბების გარეშე ვიტყვოდი, რომ მას აღმერთებდნენ. ის იყო პირველი მოცეკვავე არა იმიტომ, რომ ყველა წამყვან პარტიას ასრულებდა, არამედ იმიტომ, რომ მის წინაშე ყველა ქედს იხრიდა და პატივს სცემდა. თავად ჭაბუკიანიც დიდსულოვნად ეპყრობოდა გარშემომყოფთ და ამით კიდევ უფრო მეტ სიყვარულს იმკიდა.

ლენინგრადში ჩამოსულს „ოტელოში“ პარტნიორობას ალა ოსიპენკო, ნინელ პეტროვა და ვერა ნიგნაძე უწევდნენ. მას სურდა ახალგაზრდა ბალერინასთან ერთად ეცეკვა. არჩევანი ჩემზე გაკეთდა. მე, რასაკვირველია, ძალიან ბედნიერი ვიყავი. რეპეტიციები იმდენად საინტერესო იყო, რომ არასოდეს დამავიწყდება. დარბაზში თავს იყრიდნენ კრიტიკოსები, ჟურნალისტები, დასის წევრები. სუნთქვაშეკრულნი უყურებდნენ და უსმენდნენ იმას, რაც ხდებოდა.

მერე იყო თბილისი. ჩვენი შეხვედრები სწორედ თქვენს ქალაქში განახლდა. ჩემს მეუღლესთან ერთად თბილისში 60-იანი წლებში ჩამოვედი. „ჟიზელი“ უნდა მეცეკვა. ბატონმა ვახტანგმა შესანიშნავი მასპინძლობა გაგვიანია. დაგვპატიჟა ოჯახში, აგარაკზე. საოცრად პოეტურად გვეპყრობოდა. მინდა აღვნიშნო, რომ ასევე გულთბილად გვხვდებოდა ყველა ის ადამიანი, რომლებთანაც იმხანად საქმიანი ურთიერთობები გვქონდა. ასე რომ, თბილისიდან შთაბეჭდილებებით აღსავსე და ძალიან კმაყოფილები დავბრუნდით.

არ შემიძლია არ გავიხსენო უდიდესი მხატვარი სოლიკო ვირსალაძე. ის იყო საოცრად კეთილშობილი ადამიანი. ჩვენ მას ხშირად ვსტუმრობდით ოჯახშიც. მას ჰქონდა საინტერესო სტილი, ატმოსფერო. იყო ენციკლოპედიურად განათლებული ადამიანი, ბუნებით მომთხონი. შეეძლო ათჯერ შეეცვლევინებინა კოსტიუმის ფერი, თუ თვლიდა, რომ ეს არ იყო ზუსტად ის ფერი, რომელიც მას უნდოდა. წინააღმდეგობას არავინ უწევდა, რადგან ამ მოთხოვნასაც თავშეკავებულად და კანონზომიერად აყენებდა.

შემოქმედებითი ურთიერთობები გაკავშირებდათ გიორგი ალექსიძესთან. ის სპეციალურად თქვენთვის და მიხეილ ბარიშნიკოვისთვის დგამდა ცეკვებს თქვენი კარიერის დასაწყისში...

გოგისთან თანამშრომლობა მართლაც საინტერესო პერიოდი იყო. როცა ის თავის მინიატურებს დგამდა, სამუშაო პროცესი მეტად უცნაურ რეჟიმში მიმდინარეობდა. რეპეტიციები ძირითადად საღამოობით ან გვიან ღამით გვქონდა. მოხდა ისე, რომ სწორედ იმ პერიოდში, მე და ჩემს მეუღლეს ვლადს, ჟენევაში მოგვიხდა გამგზავრება. გაერთიანებული ერების ორგანიზაციის მიერ უდიდესი ღონისძიება იმართებოდა და იქ ვიცეკვეთ. ღონისძიების შემდეგ შემოგვთავაზეს დარჩენა და ღირსშესანიშნაობათა დათვალიერება, მაგრამ ლენინგრადში რეპეტიციები გვქონდა და სასწრაფოდ უკან დავბრუნდით. ფენომენალური დადგმა იყო. ჩვენ მეგობრები ვართ და ამ მეგობრობას სწორედ იმ წლებს ვუმაღლი.

ამერიკის ბალეტის თეატრში მოღვაწეობამ თქვენ საშუალება მოგცათ მსოფლიო ბალეტის ბევრ ვარსკვლავთან გემუშავათ. ABT-ის მონვეული სოლისტი ნინო ანანი-აშვილი ამერიკაში ყოველი ჩამოსვლის დროს რეპეტიციებს თქვენთან გადის.

ჩვენს შეხვედრებს საფუძველი ამერიკაში ჩაეყარა და მას შემდეგ სისტემატურად ვხვდებით. ის ყოველწლიურად ჩამოდის ამერიკაში. საოცრად ნათელი ადამიანია, უნიჭიერესი ბალერინა და უკეთილშობილესი პიროვნებაა, ძალიან დიდი პოპულარობით სარგებლობს ამერიკაში. მის ყოველ სპექტაკლზე ანშლაგია. ძალიან უყვართ დასში.

ძალიან მნიშვნელოვანია ქართული ბალეტისათვის ის, რომ დასს ნინო ანანი-აშვილი ხელმძღვანელობს. ჩვენ ვიხილეთ „ჟიზელი“, მოხიბლული ვარ და ვთვლი, რომ სწორედ ნინოს დამსახურებაა, რომ სპექტაკლი ასეთი წარმატებულია, არაჩვეულებრივია ვასილ ახმეტელი. შესანიშნავად ცეკვავს ჟიზელს ლალი კანდელაკი. საერთოდ დასი კარგ ფორმაშია. როცა დასის წევრები მონდომებული არიან, მაშინ შრომის შედეგიც შესაბამისად კარგია.



კეკინ მაკკენზი:

„ქუდს კიხდი თქვენი მოცეკვავეების წინაშე“

ამერიკის ბალეტის თეატრის (ABT) სამხატვრო ხელმძღვანელი კეკინ მაკკენზი თხილვის სტუმრობდა. იგი ქალბატონ ნინო ანანიაშვილის მოწვევით ჩამოვრ-
ქანდა და დაესწრო „ლაურენსიას“. სტუმარი გაეცნო თეატრის ცხოვრებას და
თავისი მოსაზრებები უშრნალ „არაბისკს“ გაუზიარა:

„ლაურენსიამ“ ჩემზე დიდი შთაბეჭდილება მოახდინა. დასი საუკეთესო ფორმაშია, კარგად
ჩანს მსახიობთა სურვილი, იცეკვონ გრძნობით, ემოციით, გამოსატონ საუკეთესოდ. აღფრ-
თოვანებული ვარ წამყვანი სოლისტების შესრულების ფორმით, ტექნიკური შესაძლებლობებით.
როგორც ამერიკაში იტყვიან, ქუდს ვიხდი მათ წინაშე.

ამ ბალეტის შესახებ, რა თქმა უნდა, ვიცოდი. მაგრამ, ნანახი არ მქონდა. როცა ნინომ მითხრა,
რომ აპირებდა მის დადგმას, მართალი გითხრათ, გამიკვირდა. ჩემი ჩამოსვლის ერთ-ერთ
მიზანს სწორედ „ლაურენსიას“ ნახვა წარმოადგენდა. იქიდან გამომდინარე რაც ვნახე, ვფიქ-
რობ, რომ ბალეტი ჭაბუკიანის დროს სწორედ ასე იქნებოდა დადგმული. მომენონა დეკორა-
ციები. ყველაფერს თითქოს იმ დროში გადავყავართ. განსაკუთრებით შთამბეჭდავია ბოლო
სცენის – კომანდორის სასახლის ალების დეკორაცია.

ვფიქრობ ძველი, ჭაბუკიანის დროინდელი ქორეოგრაფია და ახალი რედაქცია ორგანულადაა
შერწყმული ერთმანეთთან. არ იგრძნობა დიდი სხვაობა. როგორც ჩანს, ცეკვის სტილისტიკა
და ფორმები ძირითადად შენარჩუნებულია.

სტუდენტობისას, მე მინახავს პა დ'აქსონის ჩანაწერი „ლაურენსიადან“ ვახტანგ ჭაბუკიანისა
და მაია პლისცკიას შესრულებით. ეს იყო დიდი თეატრის სპექტაკლიდან. ასეთ შესრულე-
ბაზე ვიზრდებოდით ჩვენ.

ახლა ამ ბალეტზე ბევრი ინფორმაცია მაქვს. საჭიროა დრო, რომ ყველაფერი გავანალიზო.
თუ ვიფიქრებდი, რომ იგი შევთავაზო ამერიკულ პუბლიკას, საჭიროდ ჩავთვლიდი ზოგიერთ
ცვლილებას. ეს შეეხება, როგორც მუსიკალურ ნაწილს (საჭირო იქნება რამდენიმე განმე-
ორების შეკვეცა), ასევე ქორეოგრაფიულ ტექსტს. მეორე მოქმედების დასასრულს შემექმნა
შთაბეჭდილება, რომ ყველაფერი ძალიან ჩქარი იყო. ეს კარგი ეფექტური საშუალებაა, მაგრამ,
ჩემი აზრით, განწყობის შექმნა მეტადაა საჭირო.

„ლაურენსია“ იმ ეპოქის პროდუქტია, როცა ე.წ. დრამბალეტი ფართოდ იყო დამკვიდრებული
საბალეტო ხელოვნებაში. მე თუ მკითხავთ, ასეთი სპექტაკლების აღდგენის დრო დღეს დიახ,
არის. ამისთვის, ორი მთავარი მომენტია გასათვალისწინებელი: პირველი – იგი ახლოს უნდა
იყოს ორიგინალთან; მეორე – თანამედროვე სტილი შესაბამისობაში უნდა იყვეს მასთან. მი-
ნახავს წარმოდგენები სხვადასხვა სცენაზე, სადაც ძირითადი აქცენტი გაკეთებულია მაქსი-
მალური ეფექტის მიღებაზე. ეს არ არის სწორი, ცვლილებები საჭიროა, მაგრამ ორგანული.

ბალეტში დღეს გარდამავალი პერიოდია იმ გაგებით, რომ აუცილებელია კლასიკური მემკვიდ-
რეობის შენარჩუნება. ეს საფუძველი უნდა გამოვიყენოთ, რომ შევქმნათ ახალი, პროგრესული,
რაც წინსვლას მოგვტანს. ყოველი საბალეტო დასი ცდილობს, ახალი გზები მოძებნოს. ჩვენ
უფრო მეტი გვესაჭიროება – სიახლე კლასიკური მემკვიდრეობის შენარჩუნებით.

თქვენს დასს საამისოდ კარგი რეპერტუარი აქვს. ნინო მიყვებოდა სამომავლო გეგმებზე. მე
ვფიქრობ, სწორი გზით მიდინართ. არ გამოვრიცხავ ჩვენი დასების თანამშრომლობას. ეს
კარგადაა მოსაფიქრებელი. ნინო ორთავე დასს კარგად იცნობს, იცის მათი შესაძლებლობანი.
დარწმუნებული ვარ, სწორ გადაწყვეტილებებს მიიღებს. ის ხომ უნივერსალური ადამიანია
თავისი ბუნებით – პირდაპირი და გახსნილი“.

*კეკინ მაკკენზი – ამე-
რიკის ბალეტის თეატ-
რის სამხატვრო ხელმძ-
ღვანელი 1992 წლიდან.
საბალეტო მომზადება
ვაშინგტონის საბალეტო
სკოლაში მიიღო. 1972
წელს ვარნის მეექვსე
საბალეტო საერთაშორი-
სო საბალეტო კონკურს-
ზე ვერცხლის მედალი
მიიღო. ის იყო ვაშინგ-
ტონის ნაციონალური
ბალეტის წამყვანი
სოლისტი ამერიკის
ბალეტის თეატრში
გადასვლამდე (1979 წ.).
აქ იგი კლასიკური
რეპერტუარის თითქმის
ყველა წამყვან პარტიას
ცეკვავდა. მას ეკუთვნის
რამდენიმე კლასიკური
ბალეტის ახალი
რედაქცია.*

ამერიკის შეერთებულ შტატებში ჩვენი საბალეტო დასის გასტროლის დინ ცნობილმა ჟურნალმა "DANCE MAGAZINE" (ივნისი, 2007) გამოაქვეყნა ელიზაბეტ კანდელის წერილი, რომელსაც ქვემოთ გთავაზობთ:

საექსიტვერო – მისი საზოგადოება

ელიზაბეტ კანდელი

თბილისში შუალამეს უნდა ჩაფრინდე (ლამე საჰაერო სივრცე უფრო იაფია). იმის მიუხედავად, რომ გვიან ჩამოდიან, ხალხი მგზავრებს აეროპორტის მინის კედლის მეორე მხრიდან ეგებება, შესტებით გამოხატავენ ემოციებს და უხმოდ ყვირიან.

როცა მეორე დღით ქალაქში გასვლას გადაწყვეტ, შენი ტაქსი, ისე როგორც სხვა მანქანები, ქუჩაში ჩქარა მოძრაობს დაუხაზავ გზებზე, ორმოებს რომ აარიდონ თავი. ამ ძველი ქალაქის შუაგულში რომ მიხვალ და ფეხით გააგრძელებ გზას, იპოვი უძველეს ეზოებს ხის აივნის სახლებით და მასზე გადმოკიდული სარეცხით.

ცხოვრება გაუგებარი, გიჟური, ქაოსური – „მედიტერიანული“, როგორც ნახევრად ქართველ ბალანჩინს უყვარდა თქმა, და საოცრად მომაჯადოებელია ამ ახალი რესპუბლიკის (რომელმაც დამოუკიდებლობა სსრკ დაშლისას, 1991 წელს მიიღო) უძველეს დედაქალაქში. საქართველო რუსეთის, თურქეთის, სომხეთისა და აზერბაიჯანის რესპუბლიკებს შორის მდებარეობს.

ყოველივე ამის შემდეგ საოცარია, რომ შედიხარ თბილისის ოპერისა და ბალეტის თეატრში, მიდიხარ მის გრძელ, ბნელ დერეფანში და შორიდან გესმის საბალეტო კლასის ნაცნობი, მშვიდი მელოდია.



Georgia on her

BY ELIZABETH KENDALL

To fly into Tbilisi, Georgia, you must land in pitch dark in the middle of the night. (Night air space is cheaper.) Even so, the airport's glass walls—wavy and welcoming passengers boils up the airport's glass walls—wavy and stimulating, soundlessly shouting you launch yourself into the next morning, your taxi and cars speed wildly along lanes, swerving to avoid the pot when you get to the heart of this and proceed on foot, you find courtyards with wood bay winnowed by hanging laundry. If in the maze of streets, signs display what looks like a vision of Arabic. Life is incomprehensibly chaotic—“Mediterranean Georgian Balanchine utterly fascinating, in of this new republic (since in 1991 when the solved) stuck between Armenia, and Azerbaijan, then, to enter the stage Tbilisi's Opera and Ballet proceed through long, dark and to hear in the distance calming piano music of a But it's more than surpr



მაგრამ ეს განსაცვიფრებელზე მეტია, ვიდრე საოცრება: ეს ტრიუმფია. საქართველოს სახელმწიფო ბალეტი მკვდრეთით აღდგა, ამ სიტყვის თითქმის პირდაპირი გაგებით. უზარმაზარ, რუს დარბაზში შავ ტანსაცმელში ჩაცმული ხუჭუჭთმიანი მამაკაცი მასწავლებელი დააბიჯებს. სამ მხარეს მოწყობილ ძელთა გასწვრივ მსოფლიო დონის მოცეკვავენი არიან. რამდენიმე მათგანი თვალმისაცემია: მაღალი, გრძელთმიანი მამაკაცი ნაცრისფერებში – ირაკლი ბახტაძე; ორი, უფრო დაბალი, შავტანსაცმიანი მამაკაცი ხუჭუჭა შავი თმებით – ძმები ხოზაშვილები; ხშირი ღია ფერის თმიანი გოგონა ლურჯებში – ნინო გოგუა; კობტა გოგონა თეთრი ქვედაბოლოთი – ლალი კანდელაკი; ქართული სახეები (მკრთალი, მუქი ფერის თმითა და მუქი, მოციმციმე თვალებით, ბიზანტიურ ხატებზე გამოსახულ სახეებს რომ მიუგავთ) მათ თითქოს მეტ თეატრალობას, დამატებით სიმძაფრეს ანიჭებს.

იმის მიუხედავად, რომ საბალეტო კლასში ბევრი ტალანტი იპყრობს ყურადღებას, თვალი ვერ სცილდება მშვიდ, ყველაზე წყნარ ფიგურას – მაღალ ქალს, მარცხენა უკანა კუთხეში. მას სვითერი და ელასტიკი აცვია. შვილის გაჩენის შემდეგ ის უბრუნდება ფორმას. მაგრამ შეუძლებელია შეგეშალოთ მისი გრძელი ფეხები, პუანტებზე გამორჩეული დგომა, პატარა, კობტა თავი (ხატისმსგავსი თვალებით), ქალური ჰაეროვნება. ეს ნინო ანანიაშვილია, მსოფლიოს ერთ-ერთი სუპერვარსკვლავი, არცთუ ისე ბევრიდან. ახლა ის ამ ძველი-ახალი კომპანიის ხელმძღვანელია. 2004 წლის ივლისში დაბრუნდა სამშობლოში – მოსკოვიდან, ნიუ იორკიდან და ჰიუსტონიდან, რათა დასს სიძლიერე და მსოფლიო აღიარება დაუბრუნოს. და ასეც ხდება-საგასტროლო ტურნე სტარტს ამ თვეში ამერიკიდან იღებს.

„დასის ხელმძღვანელობა არ იყო ჩემს გეგმაში“, – მეუბნება ანანიაშვილი საკუთარ მყუდრო, ნათელ კაბინეტში, სადაც ხის მაგიდა და ზოლიანი ტახტი იდგა. მან გამოიცვალა სარეპეტიციო ტანსაცმელი და ჩაით მიმასპინძლდება. „მე აქტიური ბალერინა ვიყავი. ვფიქრობდი, რომ მომავალში შეიძლება სხვებისთვის მესწავლებინა. მაგრამ პრეზიდენტმა მითხრა – „ჩვენ შენ ახლა გვჭირდება; ჩვენ უნდა გვყავდეს ძალიან კარგი საბალეტო დასი“.

ეს პრეზიდენტი მიხეილ სააკაშვილია, ახალგაზრდა პოლიტიკოსი, რომელმაც განათლება აშშ-ში მიიღო. იგი 2003 წლის ნოემბერში, თბილისში, ხალხს პარლამენტისაკენ მიუძღოდა და შეიარაღებულ ძალებს, რომლებიც შევარდნაძეს იცავდა, იარაღის ლულაში ვარდებს უწყობდა. თითქმის 15 წლიანი სამოქალაქო ომი რუსული ორიენტაციის მქონე შევარდნაძის მგზნებარე მომხრეებსა და ჩამოგდებული ეროვნული პრეზიდენტის გამსახურდიას წარმომადგენლებს შორის დასრულდა. ქაოსის შედეგი იყო საქართველოს ტერიტორიების (ოსეთი, აფხაზეთი) მიერ დამოუკიდებლობის გამოცხადება. როგორც კავკასიის ექსპერტი ტომას გოლცი ამბობს, ყველაფერ ამას დევმატა „კორუფციისა და სიხარბის დამკვიდრება, რომელმაც დედაქალაქში ძირეული სამსახურები მოშალა“. გაქრა ცხელი წყალი, შემდეგ გათბობა და სინათლე. ცხოვრება თბილისში თითქმის პრიმიტიულ დონემდე დაეშვა.

საკაშვილი ქვეყნის სათავეში 2004 წლის იანვარში მოვიდა. ყველაფერი დანგრეული იყო. ექვსი თვის თავზე მან ანანიაშვილს სამშობლოში დაბრუნება სთხოვა. ბალეტი განისაზღვრა როგორც უმაღლესი პრიორიტეტი? ეს იმის მსგავსი იქნებოდა, პრეზიდენტ ბუშს New York City Ballet ან ამერიკის ბალეტის თეატრისადმი ეროვნული გრძნობების ამალგებაში დახმარება ეთხოვა. სამუშაო პირობები საშინელი იყო, ფული – მცირე. 90-იანი წლების ბოლოს დასის სოლისტთა უმრავლესობამ დატოვა თეატრი. მასწავლებლებიც, უკეთესი სამუშაოს პოვნის მიზნით, ტოვებდნენ პროფესიას – მიდი-



Balanchine to teach in But it symbols Georg film Dar bal

Gogua khtadze The Two w left: Ana Swon Lake. low right: Loli elaki and Irakli khtadze in Romeo and Juliet.

Arabesque

on tour of happy masses to see the American theater to see the American Flash forward to 2004, when the arrival of Nina Ananiashvili in Tbilisi was of importance as the arrival of Vahikhtang Chabukiani's Othello in 1955; wrote another great Georgian newspaper. (In Chabukiani's Othello he was huge to the master's Othello.) praised her for putting her country's good ahead of her He warned her to keep a balance in the reper ballets and ballets from outside. And he seasons," says Ananiashvili of-the-list choreg Alex

ოდნენ ამერიკაში, პორტუგალიაში, თურქეთში, გერმანიაში. „მე ახლაც მირეკავენ კოლეგები ნორვეგიიდან“, – ამბობს ცისკარა ბალანჩივაძე, ყოფილი მოცეკვავე (და ბალანჩინის ძმისშვილი), რომელმაც 1990 წელს დატოვა დასი, რათა საბალეტო სკოლაში ესწავლებინა.

მაგრამ პრეზიდენტს, რომელიც პოლიტიკური სიმბოლოების ენაზე საუბრობს, უნდოდა მათი უკან დაბრუნება. „ბალეტი საოცრად მნიშვნელოვანია საქართველოსათვის“, – გვიხსნის პროდიუსერი მანანა კვაჭაძე, რომლის ფილმი „ქართველები მარიას თეატრში“ ახლახან იქნა ნაჩვენები ნიუ იორკში, მუსიკალური და ქორეოგრაფიული ფილმების ფესტივალზე, „ოპერისა და ბალეტის ტრადიცია თბილისში მე-19 საუკუნის შუა პერიოდიდან იწყება. ჩვენ ყოველთვის ვცდილობდით, ვყოფილიყავით მოდური ქალაქი. ჩვენი ფოლკლორი – ცეკვა და სიმღერა, ძალიან მაღალ დონეზეა. ასეთი გახდა ბალეტიც“.

შემდეგ იყო ვახტანგ ჭაბუკიანის ბრწყინვალე ფიგურა, ქართველი სახალხო გმირისა და 20-30-იანი წლების საბჭოთა ბალეტის ვარსკვლავისა. ის მშობლიურ თბილისში 1935 წელს დაბრუნდა, რათა დაეარსებინა ახლანდელი დასი, სცენოგრაფიის ოსტატ სოლიკო ვირსალაძესა და კომპოზიტორ ანდრია ბალანჩივაძესთან (ბალანჩინის ძმა) ერთად. ჭაბუკიანი დასს თითქმის 40 წელი მართავდა და შეძლო მონივნავე გაეხადა საბჭოთა დასებს შორის, თუ არ ჩავთვლით კიროვისა და დიდ თეატრებს. ჭაბუკიანის ენერჯიამ და შემდგომი ხელმძღვანელობის, გიორგი ალექსიძის ძალისხმევამ ქართველები ბალეტომანებად აქცია. თბილისში პირველად 1988 წელს ჩამოვედი ჰარლემის ცეკვის თეატრთან ერთად. მახსოვს ბედნიერი, კარგად ჩაცმული მაყურებელი, რომლებიც ამერიკელი სტუმრების სანახავად მოვიდა თეატრში.

2004 წელს მშობლიურ ქვეყანაში დაბრუნდა მისი შვილი. „ნინო ანანიაშვილის დაბრუნება დღეს ისეთივე მნიშვნელოვანია, როგორც ვახტანგ ჭაბუკიანის დაბრუნება 1935 წელს“, – ნერდა დიდი ქართველი მოცეკვავე ზურაბ კიკალაიშვილი (ჭაბუკიანის „ოტელოში“ იგი იაგო იყო) 2004 წელს თბილისის გაზეთში. ის აქებდა ნინო ანანიაშვილს, საკუთარ კარიერაზე წინ სამშობლო რომ დააყენა და ურჩევდა მას, შეენარჩუნებინა ბალანსი რეპერტუარში – ჰქონოდა საზღვარგარეთული და ქართული ბალეტები. ის ლოცავდა ნინოს.

„18 ახალი ბალეტი ორ სეზონზე“ – ამბობს ანანიაშვილი და ითვლის მათ. ახალი ბალეტები ისეთი წამყვანი ქორეოგრაფებისაგან, როგორიცაა სტენტონ უელში, თრეი მაკინტაერი, ალექსეი რატმანსკი; კლასიკური „დონ კიხოტი“ და „გედების ტბა“ (ორთავე ალექსეი ფადეევიჩის მიერ დადგმული), ლავროვსკის „რომეო და ჯულიეტა“ და ეშტონის „ამაო სიფრთხილე“ და ცხრა ახალი ბალეტი ქართველების ღვიძლი შვილის – ბალანჩინისა (დაბადებით ბალანჩივაძე) და კიდევ მეთაეა გეგმაში. როცა თეატრში მის ბალეტებს წარმოადგენენ, სცენაზე სპეციალური ფარდა ჩნდება ბალანჩინის გამოსახულებით. დაბრუნდა აბონემენტების დრო – სპეციალური ბარათებისა სკოლის მოსწავლეთათვის, რომელიც ახსოვს ყოველ ქართველს საბჭოთა დროიდან.

თეატრს გარეთ სააკაშვილის საბრძოლო სული ყველგან შესამჩნევია (მაშინაც კი, როცა მისი წარმატება ალიზინებს დიდ ბიჭს ჩრდილოეთში – რუსეთის პრეზიდენტმა პუტინმა ყველანაირი კონტაქტი შეწყვიტა საქართველოსთან, სააკაშვილი კი, როგორც ჩანს ქვეყანაში ბალანსს ინარჩუნებს). ქალაქის შენობები მხიარული ფერებითაა მოხატული. სააკაშვილს უყვარს შადრევნები, ისინი ქალაქის მრავალ მოედანზე გაკეთდა.

და თეატრს შიგნით: ძალიან დიდი აქტივობაა. ანანიაშვილი მართავს რეპეტიციას ჩაბნელებული დარბაზიდან; მიკროფონში ხან ქართულად საუბრობს, ხან კი რუსულად და ინგლისურად. შესწორებებში, რომლებსაც მოცეკვავეებს აძლევს, მხოლოდ სიტბო შეგიძლიათ იგრძნოთ. შენიშვნები არ არის მტკივნეული. მოცეკვავეებს სახელით მიმართავს. „ბურნონვილის მკლავები“ – ამბობს მშვიდად და შემდეგ ახალგაზრდა ქალი თავად ადის სცენაზე და აკეთებს ამ მოძრაობებს.

მოცეკვავეები სწრაფად და უშეცდომოდ მოძრაობენ, ბურნონვილის ვარიაციებს გააზრებულად და ერთგვარი კმაყოფილებით აკეთებენ. ბევრი მოცეკვავე დაბრუნდა სამშობლოში ანანიაშვილის დაბრუნების შემდეგ და ახლა კვლავ ჩამოდიან:

„ჩვენთვის აქ ყოფნა პერსპექტიულია“, – ამბობს ვასილ ახმეტელი, რომელიც სკოპიიდან, მაკედონიიდან დაბრუნდა თებერვალში. „ჩვენს კომპანიაში ახლა ახალგაზრდა ხალხია და კარგი რეპერტუარი“.

„ყველა მაქსიმუმს ცდილობს“, – ამბობს ანა მურადელი, რომელიც ერთ-ერთი პირველი ჩამოვიდა სამშობლოში 2004 წელს. „სამუშაოსთან ყველა საქმის სიყვარულითაა დაკავშირებული. მე მნიშვნელოვნად გავიზარდე, როგორც მოცეკვავე და როგორც პიროვნება“.

„!ცენტრი აქვს რუსულ ენაზე და თქვენც“

თბილისის ოპერისა და ბალეტის სახელმწიფო თეატრის საბალეტო დანსა ამ ზაფხულს გასტროლი გაგართამ ამერიკის შეერთებულ შტატებში და იაპონიაში.

ამერიკის შეერთებულ შტატებში 4-დან 25 ივნისის ჩათვლით საბალეტო დანი სამ პრესტიჟულ ფესტივალზე გამოდიოდა. სკოლატოს, ნიუ ჰევენისა და ჯაკოზს ფილოუს საფესტივალო პროგრამის ფარგლებში წარმოდგენილ იქნა „ბედების ტბა“, „ქიზელი“, ბალნინის „მოდარტინა“, თრეი მაკინთაერის „ნაში ბარდსანსვამა“ და ბრანდ დივერტისმენტი „დონ კისოტიდან“. ჯაკოზს ფილოუს 75-ე ფესტივალის განსწავლავი მიქლვენილ ბალა კონცერტში ბრან პა „დონ კისოტიდან“ ლალი კანდელაკვა და ირაკლი ბახტაძე შეასრულეს. დანი, წარმატებული გასტროლის შემდეგ, ამერიკის შეერთებული შტატებიდან ივნისის ბოლოს დაბრუნდა და იაპონიაში წასვლისათვის მზადებას შეუდგა, სადაც ორი ბალეტი უნდა წარმოდგინათ – „ბედების ტბა“ და „დონ კისოტი“.

ჩვენს დასთან ერთად სპექტაკლებში მონაწილეობდნენ დიდი თეატრის სოლისტები სერგეი ფილინი (აშუ-ში) და ანდრეი უვაროვი (იაპონიაში), რომლებიც ნინო ანანიშვილის უნებდნენ პარტნიორობას. იაპონიაში ორ სპექტაკლში („დონ კისოტი“) ლალი კანდელაკთან ერთად ABT-ნამყვანება სოლისტმა ანკელ კორაღამ იცეკვა.

ガルジア国立バレエ ニーナ・アナニアシヴィリ
 芸術監督:キトリ役/ニーナ・アナニアシヴィリ
 スペシャルゲスト/セルゲイ・ウヴァーロフ
 演奏:東京ニューシティ管弦楽団
ニーナ・アナニアシヴィリ
 NINA ANANIASHVILI & STATE BALLET OF GEORGIA
 ミンクス作曲「ドン・キホーテ」(全3幕)


2007 7.31 火
 (平成19年)
午後6時30分開演
 (午後6時開場)
 入場料金
 S席11,000円・A席9,000円・B席6,500円
 (B席に限り5歳以上高校生以下1,500円)
CANORA HALL
 カノラホール 岡谷市文化会館
 主催/カノラホール(財)岡谷市振興公社 後援/abn長野朝日放送
 お問い合わせ
 カノラホール(財)岡谷市振興公社
 〒394-0029 長野県岡谷市幸町8番1号
TEL.0266-24-1300
<http://www.lcv.ne.jp/~canora/>

 ※チケットのお求めはカノラホール(0266-24-1300)または裏面記載のプレイガイドまで。
 ※未就学児童の入場はご遠慮いただいておりますが、本公演に限り、5歳以上のお子様からご入場いただけます。
 (他のお客様の鑑賞に支障があらざり判断した場合には、椅子席へ移動していただく場合もございます。)
 ※託児サービスのご利用を希望される方は、7月27日(金)までにお申込ください。ただし、定員に達した場合は、事前にお断りさせていただきます。※ご来場の際、近隣店舗等への駐車はご遠慮ください。

ნიუ ანანიუზილი საბალეტო დასის სამხატვრო ხელმძღვანელი:

დღეს საბალეტო დასის გაყვანა ქვეყნის გარეთ, თანაც სრული შემადგენლობით, დიდ პრობლემას წარმოადგენს. მსოფლიოში რამდენიმე პროდიუსერია, ვინც ასეთ გასტროლს აფინანსებს. ის, რომ ჩვენ მოგვეცა ასეთი საშუალება ძალზე სასიამოვნო ფაქტია. გარდა ამისა, როგორც სამხატვრო ხელმძღვანელი, ბედნიერი ვარ, რომ საქართველოს დამოუკიდებელი სახელმწიფოს საბალეტო დასი, ჩემი ხელმძღვანელობით პირველად გავიდა ამერიკის შეერთებულ შტატებსა და იაპონიაში საგასტროლოდ. მნიშვნელოვანია ისიც, რომ დიდი შეფასებები მივიღეთ. გაზეთმა New York Times გასტროლის პერიოდში ორჯერ გამოაქვეყნა რეცენზია. ასეთ მოკლე პერიოდში ერთ დასს ამხელა ყურადღებას, ჩვეულებრივ, არ უთმობენ.

აშშ-ში, როგორც მოცეკვავეს კარგად მიცნობენ, მაგრამ დასი, რომელსაც ვხელმძღვანელობ, პირველად იხილეს, ანუ ამ რანგში პირველად გამიცნეს. ყველაზე სერიოზული შედეგი, ალბათ, ის არის, რომ 2008 წლის თებერვალში კვლავ მიგვიწვიეს საგასტროლოდ აშშ-ში. სპექტაკლები გვექნება ბევრ ქალაქში. გამოვალთ ნიუ იორკში, ბრუკლინის აკადემიაში, სადაც მსოფლიო დონის დასები გამოდიან. მნიშვნელოვანია ისიც, რომ საშუალება გვექნება, ჩვენი ორკესტრიც წავიყვანოთ, რაც ჩვენს სპექტაკლებს უკეთ წარმოაჩენს“.

მარინა ალექსიკა პედაგოგ-რეპეტიტორი:

„ამერიკელი მაყურებელი საკმაოდ თავისებურია. ბოლომდე არ რეაგირებს. ეს განწყობა შეიძლება მსახიობსაც გადაედოს და ხელიც შეუშალოს. მაგრამ ყველამ – სოლისტებმაც და კორდებულემაც მაქსიმალურად კარგად იმუშავეს. ოვაციები ნამდვილად იყო და ჩვენს სპექტაკლებს მოწონება ხვდა. ჩარლსტონში საკმაოდ დიდ დარბაზში გვექონდა სპექტაკლები. როგორც გვითხრეს, იარუსები არც თუ ხშირად იღება. ჩვენს სპექტაკლებზე იარუსებიც სავსე იყო. ნიუ ჰევენში მქონდა კლასი იქაური მოცეკვავეებისათვის, რომელმაც საკმაოდ საინტერესოდ ჩაიარა“.

ვასილ ახმეზელი წამყვანი სოლისტი:

„ყველას ერთი სურვილი გვექონდა – კარგად წარმოგვეჩინა ჩვენი სახე. მგონი, შეეძლებოდა ეს. დასი, ჩემი აზრით, კარგ ფორმაშია. იმ წლების შემდეგ, რაც დასმა გაიარა, არც მოველოდი ასეთ პროფესიონალიზმს. სპექტაკლებმა კარგად ჩაიარეს. მაყურებელი კმაყოფილი იყო. რა თქმა უნდა, გვეხმარებოდა ქალბატონი ნინოს სახელი და პასუხისმგებლობასაც გვმატებდა“.



ამ იმპრთიუგოლა საოლეტოს ფესტივალი



ვზზარსისი ოპანის ნაირზა



საქტაკლის შიმდეგ

გულნარა სუპარაშვილი კონცერტმაისტერი: „ამერიკაში გასტროლის დროს ყველგან თან დაგვყვებოდა New York Times კორესპონდენტი, რომელიც აშუქებდა ჩვენს გამოსვლებს. რეცენზიები თქვენთვის კარგადაა ცნობილი. ჩარლსტონში გამართული სპექტაკლების შემდეგ კრიტიკოსებმა ნიუ ჰევენში წამოსვლის სურვილიც გამოთქვეს. სპექტაკლები ანშლაგებით მიმდინარეობდა, განსაკუთრებით აქტიურობდნენ იქ მცხოვრები ქართველები. ჯაკობს ფილოუს ფესტივალზე დიდი ინტერესი იყო ბალანჩინის „მოცარტიანას“ მიმართ. მართლაც დაძაბული გრაფიკი გვექონდა. დიდი წარმატება ჰქონდათ სოლისტებს, ჯაკობს ფილოუსში კი – განსაკუთრებით ლაშა ხოზაშვილს, რომელსაც ექვსი სპექტაკლის ცეკვა მოუხდა ზედიზედ. ლაშამ აქ სპეციალური კლასი ჩაატარა ნორვეგიელი მოცეკვავეებისათვის და საკმაოდ წარმატებულად. დიდი მადლობა გადაუხადეს ნიუ ჰევენში ჩატარებული კლასისათვის ჩვენს პედაგოგს ქალბატონ მარინა ალექსიძეს“.

თაონა ჩარკვიანი საბალეტო დასის გამგე: „დასის ნაწილი ნიუ ჰევენიდან საქართველოში დაბრუნდა, ხოლო დანარჩენები მასაჩუსეტის შტატში „ჯაკობს ფილოუს“ ფესტივალში მონაწილეობის მისაღებად დავრჩით. ვცხოვრობდით მწვანეში ჩაფლულ პატარა ქალაქ ლიში. ეს იყო არაჩვეულებრივად მშვიდი და ლამაზი გარემო. აქ წარმოვადგინეთ ბალანჩინის ერთმოქმედებიანი ბალეტი „მოცარტიანა“, თრეი მაკინტაერის „ნამი გარდასახვამდე“ და გრანდ დივერტისმენტი „დონ კიხოტიდან“. „მოცარტიანაში“ New York City Ballet საბალეტო სკოლის აღსაზრდელები მონაწილეობდნენ. მათი მშობლები აღფრთოვანებას ვერ მალავდნენ ჩვენი დასის შესრულების გამო“.



ლაშა სოზაშვილი წამყვანი სოლისტი: „ამერიკაში საკმაოდ დატვირთული ვიყავი. ბოლო ერთი კვირის განმავლობაში ზედიზედ რამდენიმე სპექტაკლი ვიცეკვე, მათ შორის „მოცარტიანაში“ სოლო პარტია ოთხჯერ. საერთოდ, კმაყოფილი ვარ ამ გასტროლებით, ვფიქრობ, კარგად წარმოვაჩინეთ ჩვენი შესაძლებლობები“.

ნიმუ ანანიაშვილი და სერგეი ფილინი



The New York Times

ალასტაირ მაკაილი, 18.06.2007

„პარასკევს, როდესაც შუბერტის თეატრში, ხელოვნების საერთაშორისო ფესტივალის ფარგლებში მე ვუყურებდი „ჟიზელს“ ქართული დასის შესრულებით, ვიხსენებდი, რომ 21 წელი გავიდა მას შემდეგ, რაც მე ვნახე ანანიაშვილის მიერ შესრულებული „ჟიზელი“ პარიზში.

ამ სპექტაკლის პირველი დასავლური ტურნეს დროს ანანიაშვილი იყო დიდი თეატრის ყველაზე ახალგაზრდა ჟიზელი, რომელმაც მომენტალურად აულო ალლო ამ ბალეტის დრამატულობას. იგი ისეთივეა, როგორც მაშინ – ირმის მსგავსი თვალბით, ხელებისა და ფეხების საყვარელი, მშვიდი, მოქნილი მოძრაობებით. სხვა პერსონაჟებთან ურთიერთობა სცენაზე კვლავ ამაღლებელი და მგრძობიარეა, მისი რიტმულობა და ფორმაცია ისევ არაჩვეულებრივად ზუსტია.

ბალეტის ქორეოგრაფიული ტექსტი ჩვეულებისამებრ ემყარება ჟან კორალის, ჟიულ პეროსა და მარიუს პეტიპას. უნდა ითქვას, რომ მართლაც პატიოსნად შესრულებული ვერსიაა, თუმცა პირველი აქტის დივერტისმენტი გაკეთებულია როგორც პა დე სიზი, პა დე დეს ნაცვლად, პეტიპასეული წყობით ან რამდენიმე ცვლილებით ზოგ ადგილას. ამ რედაქციაში წარმოდგენილია ჩემთვის ახალი პერსონაჟი – დაქირავებული გლეხი ქალი, რომელიც უვლის ალბერის სახლს ტყეში და ხელს აფარებს მას. გასაოცარია, თუ რამხელა ეფექტს ახდენს ეს პერსონაჟი.

სამწუხაროდ, ეს ბალეტი წარმოდგენილი იყო შუბერტის თეატრის დარბაზში, სადაც საორკესტრო ორმო პატარა ადოლფ ადანის პარტიტურისთვის, რომელიც დიდი თეატრის ვერსიით შესრულდა (მინკუსისა და სხვათა ჩანართებით).

ქართველები ცეკვავენ მუსიკალური სიზუსტით, როგორც თვით ანანიაშვილი. სტილი სუფთაა და ქალთა კორდებალეტი სინქრონულად და ერთნაირად ცეკვავს.

ალბერს ცეკვადა დიდი თეატრის ვარსკვლავი სერჯეი ფილინი, რომელიც გვიხილავდა თავისი ახალგაზრდული შესრულების სტილითა და არაჩვეულებრივი ნახტომებით.

მიუხედავად იმისა, რომ ქართული ჟიზელის ისტორია სათავეს 1940 წლიდან იღებს, ნათელია, რომ დასისტვის ეს ახალია. ამ რედაქციის მომხიბვლელია მისი სიმარტივეა, როგორც თავად ჟიზელია და არ არის გაფუჭებული პრეტენზიული რეინტერპრეტაციით, ზედმეტი მანიერიზმით. ამ გასტროლების ფარგლებში ნაჩვენები იქნება ბალანჩინის ბალეტები (რომელიც წარმოშობით ქართველი იყო) და დასავლეთში დაბადებული ქორეოგრაფების ნაწარმოებები. მე მოუთმენლად ველი შემდეგ შეხვედრებს მათთან“.

საბალეტო დასის გასტროლებს ამერიკაში ორი ჰუბლიკაციით გამოეხმაურა New York Times და სხვა გაზეთები. ინტერესმოკლებული არ იქნება, თუ მკითხველს შევითავაზებთ ამ გამოხმაურებების ფრაგმენტებს:

The New York Times

ალასტაირ მაკაილი, 23.06.2007

„საინტერესოა, რომ ჯაკობს ფილოუს მაყურებელს მოეწონა თრეი მაკინტაერის „ნამი გარდასახვამდე“, რომელიც ჰიუსტონის ბალეტისთვის 1996 წელს შეიქმნა (საქართველოში დაიდგა ალექსეი ფადეეჩევის მიერ).

„ნამი გარდასახვამდე“ განწირულია, დაიპყროს მაყურებლის გულები, ნათელი საცეკვაო შარმით, როგორც „დონ კიხოტი“ ახდენს ამას თავისი სრული ვირტუოზულობით.

აქაც ნათლად ჩანს, თუ როგორი ნიჭიერები არიან მოცეკვავეები სუფთა მოძრაობებით. მამაკაცები არაჩვეულებრივი რიტმული ნახტომებით შთამბეჭდავნი არიან და ყოველთვის მზად არიან, რაც შეიძლება ზემოთ ასწიონ თავიანთი ქალი პარტნიორები.

ყველაზე ფაქიზი ბალანჩინის „მოცარტიანაა“. ვისაც ნანახი აქვს ეს ბალეტი დიდ სცენაზე მოხიბლული დარჩება თუ როგორ გადმოიცემა მისი ქორეოგრაფია პატარა სცენაზე. ბალეტის თემა და ფინალური ვარიაცია არაჩვეულებრივია და უფრო მძაფრად არის გადმოცემული ქალი და მამაკაცი სოლისტების მიერ. ნინო გოგუა და ლაშა ხოზაშვილი – მომხიბვლელად გამოიყურებიან, თუმცა ზედმეტად ფრთხილი და თავშეკავებულნი იყვნენ, რომ გამოემჟღავნებინათ ამ ბალეტის გასაოცარი სიბრძნე.

ეს სამი წარმოდგენა არასაკმარისი იყო ბალეტის მოყვარულთათვის, თუმცა ნათლად აჩვენებს, თუ რამხელა მიღწევები აქვს ქართულ ბალეტს. ნინო ანანიაშვილს, რომელიც სათავეში ჩაუდგა დასს 2004 წელს, მემკვიდრეობად ერგო კარგი მოცეკვავეები, მაგრამ მან ჩამოაყალიბა მიღწევების მაღალი სტანდარტი. მიეცით ამ დასს დიდი სცენა, ცოცხალი მუსიკა და საქართველომ შეიძლება, იამაყოს მათით. ამჯერად ამ ნათელმა, ძლიერმა ბალეტმა შორეული ქვეყნიდან საერთაშორისო აღიარება ჯაკობს ფილოუს 75-ე საიუბილეო ფესტივალიდან დაიწყო“.

„გედების ტბის“ არაჩვეულებრივი რედაქცია, რომელიც სამშაბათს იქნა წარმოდგენილი პრიმა ბალერინა ნინო ანანიაშვილისა და საქართველოს სახელმწიფო ბალეტის მიერ, ბალეტომანებს უბიძგებს აღარ ნახონ ეს სპექტაკლი სხვა რედაქციით.

„გალიარდის“ დარბაზში ძლივს დატეულმა აუდიტორიამ ფეხზე ამდგარმა დააჯილდოვა პრიმა-ბალერინა ოვაციებით. თუმცა ეს მთელმა დასმაც დაიმსახურა თავისი პროფესიონალიზმით. განსაკუთრებით გედებმა, რომლებსაც უნაკლოდ ეჭირათ არაბესკის პოზიცია. ანანიაშვილმა, რომელიც დღემდე რჩება ამერიკის ბალეტის თეატრის პრიმად, ადრეც იცეკვა სპოლეტოს ფესტივალზე, მაგრამ, ამჯერად, მას ორმაგი პასუხისმგებლობა აქვს, როგორც დიდი დასის სამხატვრო ხელმძღვანელს და სოლისტს.

ოდეტა-ოდელიას პარტიაში მისი თავბრუდამხვევი 32 ფუეტითა და სხეულის მოქნილი ბრწყინვალე არაბესკით ანანიაშვილმა თითქოს უგულვებლყო მისი 44 წელი და ის ფაქტი, რომ მას 15 თვის წინ ქალიშვილი შეეძინა.

პრემიერმა სერგეი ფილინმა პრინც ზიგფრიდის როლში ჰაერში სწრაფი ტურებით წარმოადგინა რუსული ექსპანსიური საბალეტო სკოლის სიმდიდრე და ბრავურა. ასევე არტისტულად გამოსატა მან შეცბუნება და მწუხარება, როდესაც იგი ჯადოქარ როტბარტის მიერ იქნა მოტყუებული, რომლის პარტია ბრწყინვალედ შეასრულა დავით ხოზაშვილმა. ჩარლსტონის სიმფონიური ორკესტრი ზაზა კალმახელიძის დირიჟორობით უნაკლოდ და სუფთად ასრულებდა ჩაიკოვსკის მუსიკას.

„გედების ტბა“ სხვადასხვა რედაქციით იდგმება და ყველაზე ხშირად ოდეტასა და პრინცი ზიგფრიდის დალუპვით სრულდება. ქართულ რედაქციაში ამ ბალეტს ტკბილ-მწარე დასასრული აქვს. მოცეკვავე იღვიძებს სარეპეტიციო დარბაზში, სადაც მას ესიზმრება მშვენიერი ოდეტას სიყვარული და ახლა მხოლოდ ტკბილი მოგონებები რჩება თავისი სიზმრიდან“.

„ნიუ იორკელი კრიტიკოსები და მაყურებელი ნიუ ჰევენში გავემგზავრეთ, რათა დავსწრებოდით „ჟიზელს“ ქართული დასის შესრულებით, მით უფრო, რომ მთავარ პარტიებში თავად ნინო ანანიაშვილი და დიდი თეატრის სოლისტი სერგეი ფილინი გამოდიოდნენ.

უპირველესად მინდა აღვნიშნო, რომ დასმა მთლიანობაში ჩემზე ძალიან კარგი შთაბეჭდილება დატოვა. კორდებალეტი მეორე მოქმედებაში ვილისების სცენას საოცრად სუფთად ცეკვავდა. ამერიკის ბალეტის თეატრში ხშირად ასე არ ცეკვავენ.

ანანიაშვილისა და ფილინის დუეტში მე მომეწონა შესრულების სტილის ერთი-ანობა: ასე ცეკვავდნენ 50-60-იან წლებში. შესრულების ამ ერთიანობაში იყო კეთილშობილება და ჰარმონიულობა. ნინო ანანიაშვილმა დაიმსახურა ის დიდება, რომლითაც სარგებლობს მსოფლიოში.

მირტას პარტიის შემსრულებლის ნინო ოჩიაურის ცეკვა მთლიანობაში შესანიშნავ შთაბეჭდილებას ახდენს: მაღალი ნახტომით, ამაყი მიმოხვრით, შესრულების კარგი მანერით.

მამაკაცები დასში, მართალია არ არიან ისე ბევრი, როგორც გოგონები, მაგრამ ყველა მომხიბვლელია. მათ უეჭველად კეთილშობილური წარმომავლობა აქვთ.

პერსპექტიულ მოცეკვავედ მომეჩვენა დავით ხოზაშვილი (მეტყევე ჰანსი). ის სავსეა ენერჯითა და შინაგანი ძალით“.

ამერიკაში გასტროლის შემდეგ, დატვირთული საბასტროლო პროგრამით, საბალეტო დასი 11 ივლისს იაპონიაში გაემგზავრა და იაპონიის სუთ ქალაქში წარმოადგინა „გაიფის ტვა“ და „ღონ კისოტი“. გასტროლი კომპანია „JAPAN ARTS“-ის მიწვევით განხორციელდა.

ნინო ანანიავილი: „2008 წელს კომპანია „Japan Arts“-თან ჩემი თანამშრომლობის 20 წელი სრულდება. მისი პრეზიდენტი ნაკატო 1989 წელს თავად ჩამოვიდა მოსკოვში და ჩემთან მოლაპარაკებები გამართა. მანამდე ამომავალი მზის ქვეყანაში ცხრაჯერ ჩაიშალა ჩემი ჩასვლა. ჩვენი ურთიერთობა შემდეგ ტრადიციული გახდა. კომპანიის წარმომადგენლები ძალიან ნერვიულობდნენ, რადგან ჩაჰყავდათ დასი, რომელსაც არ იცნობდნენ. ეს დიდი პასუხისმგებლობა გახლდათ. შეგვიქმნეს საუკეთესო პირობები, დაგვითმეს ისეთი სცენები, სადაც მსოფლიოს უდიდესი თეატრები და საბალეტო კომპანიები გამოდიან. ჩვენი მხრიდანაც ეს დიდი რისკი და განაცხადი იყო. წარმატებული სპექტაკლები ჰქონდა ლალი კანდელაკს ABT-ის წამყვან სოლისტთან ანხელ კორელასთან. ჩემთან ერთად იცეკვა დიდი თეატრის პრემიერმა ანდრეი უვაროვმა. ბრწყინვალედ გამოიყურებოდა კორდებალეტი. ყველა სოლისტის კმაყოფილი ვარ.

იაპონიაში ტრადიციად მაქვს, როცა გალა კონცერტებს ვმართავ, პატარა სიურპრიზს ვუმზადებ მაყურებელს. ახლაც ასე გავაკეთე. ტოკიოში ბოლო სპექტაკლის შემდეგ ჩვენმა სოლისტმა ნინო გოგუამ და კორდებალეტის მოცეკვავეებმა ლიკა ლაბაძემ, ლანა მღებრიშვილმა, სოფო ფანცულაიამ, ეკა ლომინაძემ „კინტორი“ შეასრულეს, რომელიც გია მარღანიამ სპეციალურად ჩვენთვის დადგა.

არ შემიძლია, მაღლიერება არ გამოვხატო იაპონიაში საქართველოს წარმომადგენლის დავით ნოზაძის მიმართ, რომელმაც დიდი დახმარება გაგვიწია. თავად იაპონელები ამბობდნენ, რომ საგასტროლოდ ჩამოსული არც ერთი ქვეყნის საელჩოს არ გამოუხატავს ამხელა ყურადღება და თანადგომა“.





თეონა ასოგაძე, ლალი კანდელაკი, ნინო ანანიავილი და ანხელ კორელა



ჩელიტა – ლალი კანდელაკი, გაზილი – ანხელ კორელა. „ღონ კინოტი“

კახა საკანდელიძე საბალეტო ადმინისტრაციის დირექტორი:

„სპექტაკლები ხუთ ქალაქში გავმართეთ – ტოკიოში, იოკო-სუკაში, ნაგოიაში, ოსაკასა და ოკაიაში. ტოკიოში სპექტაკლები ბუნკა კაიკანის ცნობილი თეატრის სცენაზე მიმდინარეობდა, რომლის დარბაზი 3000 მაყურებელს იტევს და დარბაზის ზომის კულისები აქვს. ჩვენ ჩვენი ლოგოიანი მაისურები და ავტოგრაფები დავტოვეთ კულისებში მონყობილ მუზეუმში. თეატრს საოცრად განებივრებული მაყურებელი ჰყავს, რომლისთვისაც ნინო ანანიავილის ყოველი ჩასვლა დიდი დღესასწაულია. ამიტომაც არ ცხრებოდა აპლოდისმენტები. განუზომელი ემოციები იყო. სპექტაკლის შემდეგ, დაახლოებით ორი საათი 1000-მდე მაყურებელი გარეთ უცდიდა ჩვენს სოლისტებს იმისათვის, რომ მადლობა ეთქვათ. ოსაკაში ვხედავდი იმავე მაყურებელს, რომელსაც ტოკიოში შევხვდი. ქალბატონ ნინოს ვუთხარი, ეს კაცი მეცნობა მეთქი. „ეს ჩვენი მაყურებელია, იოკოსუკაში იყო, აქაც არის და იქაც ჩამოვა ნაგოიაში“, – მითხრა. ყველა ქალაქში სრული ანშლაგი იყო. საოცრად მონესრიგებული ხალხია. მინდოდა, დილით ყველაზე ადრე მივსულიყავი და მენახა როგორ მუშაობდნენ, მაგრამ ვერ მოვახერხე, რადგან ყველაფერი მზად მხვდებოდა“.

ნაქრი მაღალაშვილი პედაგოგ-რეპეტიტორი:

„მთლიანობაში გასტროლმა წარმატებით ჩაიარა. თავად ის ფაქტი, რომ ნინო ანანიავილი იაპონიაში ძალიან უყვართ მნიშვნელოვანი იყო ჩვენთვის. ამასთანავე, ჩვენი დასისათვის ეს პირველი სერიოზული გასვლა იყო ასეთ დიდ ქვეყანაში. კარგად მახსოვს 1975 წელი, როცა იაპონიაში ვიყავით საგასტროლოდ დიდი თეატრის სოლისტებთან ერთად. ახლა ჩვენს ქვეყანას დამოუკიდებლად წარმოვადგენდით. მაყურებელი ძალიან თბილია და ასევე თბილად მიიღო ჩვენი დასი. ასობით ადამიანი მონესრიგებულად, საათობით ელოდა მსახიობებს ავტოგრაფებისათვის. არაჩვეულებრივად ორგანიზებული იყო ყველაფერი. არაფრის თქმა, მითითება მათ არ სჭირდებოდათ. პირველ რეპეტიციაზე სკამი დავიდგი სცენის შუაგულში, მეორე რეპეტიციაზე უკვე ზუსტად იმავე ადგილზე დამხვდა სკამი. შეიძლება უმნიშვნელო დეტალია, მაგრამ ბევრის მთქმელი. მინდა აღვნიშნო კორდებალეტის თითქმის უნაკლო შესრულება. ბრწყინვალედ იცეკვეს „გედების ტბაში“ ლალი კანდელაკმა და ლაშა ხოზაშვილმა, რამდენიმე რეპეტიცია გვექონდა. თანაც ისინი ერთად ამ სპექტაკლს პირველად ცეკვავდნენ და წარმატებაც დიდი ჰქონდათ“.

ნიალა გოქიაშვილი წამყვანი რეჟისორი:

„მარტო გაკვირვებას ვერ დაარქმევ იმას, რაც იაპონიის ნახვით განვიცადე. არ ვიცი, რა სიტყვა მოვიფიქრო, რომ გადმოვცე ჩემი განწყობა, ემოცია. ქვეყანაში, სადაც 200 მილიონი ადამიანი ცხოვრობს, ყველაფერი ისეა აწყობილი, რომ ნაფიქრია თითოეულ ნიუანსზე. ეს იგრძნობოდა ყველა თეატრში, სადაც გამოვდიოდით. ცნობილია, რომ იაპონელები ტექნიკის განვითარების უმაღლეს მწვერვალზე არიან, მაგრამ მარტო ამას არ მოეუხიბლივარ. მე დავინახე, რას ნიშნავს პროფესიონალიზმი და რას ჰქვია მუშაობის ხარისხი. სამი კვირის განმავლობაში ჩვენ გვექონდა მრავალი სპექტაკლი, გადავდიოდით ქალაქიდან ქალაქში, გვექონდა უამრავი რეპეტიცია, მაგრამ მე არ მიგრძენია დაღლა. ალბათ, იმიტომ, რომ იაპონიაში უპირველესად ფიქრობენ ადამიანზე და ცდილობენ, გაგიმარტივონ ყველანაირი საქმე.“

არნახული კეთილგანწყობა შეექმნათ ჩვენ მიმართ. ჩვენმა მასპინძელმა ისაო სუძუკიმ ბოლოს გვითხრა, რომ ასეთი მხიარული, ერთმანეთის მიმართ კეთილად განწყობილი, მუდამ მზადყოფნაში მყოფი სხვა დასი მათთან არ ყოფილა.

ჩვენმა მოცეკვავეებმა მართლაც ბრწყინვალედ იცეკვეს. სპექტაკლებს კულისებიდან, დიდ მონიტორზე, ვადევნებდი თვალს (იქ არის განლაგებული სარეჟისორო პულტი) და ვხედავდი როგორი ხაზობრივი სისწორით ცეკვავდა „გედების ტბაში“ კორდებალეტი.

კიდევ ერთი რამ დამამახსოვრდა, რაც ჩემი ბავშვობის შემდეგ არსად მინახავს. სპექტაკლების შემდეგ მოცეკვავეების უამრავი თაყვანისმცემელი და მათი ავტოგრაფების მსურველები თეატრიდან მეტრომდე იდგნენ და ელოდნენ მათ გამოსვლას. რაც შეეხება ნინო ანანიაშვილის მიმართ მათ სიყვარულს, ეს ცალკე საკითხია. მათ უყვართ ეს პრიმა-ბალერინა და ამას უდიდესი სითბოთი გამოხატავენ.

ვინც ტოკიოს ცნობილ ბუნკა კაიკანის თეატრში შემოვა, საკუთარ ავტოგრაფს ტოვებს. რა სასიხარულო იყო, რომ დათო მახათელის ავტოგრაფი დაგვხვდა – „გამარჯობათ, ბიჭებო!“



საქმთაქმის შვედეზ



ავტოგრაფები ბუნკა კაიკანის თეატრში



ბასტროლი კინტოურით დასრულდა



ბუნკა კაიკანის თეატრის დარბაზი, ტოკიო

ლავა სოფაშვილი *წამყვანი სოლისტი:*

„სულ რამდენიმე რეპეტიცია გავიარე ლალი კანდელაკთან. სპექტაკლი ბოლომდე არც გაგვივლია. გასტროლებზე „გედების ტბა“ ჩემი პირველი დიდი სპექტაკლი იყო. საერთოდ, სპექტაკლის წინ არ ველავ, მაგრამ იმის გათვალისწინებით, რაც ზემოთ გითხარით, ვნერვიულობდი. მაგრამ ყველაფერმა კარგად ჩაიარა. ბედნიერი ვარ, რომ ლალისთან მომიწია ამ ბალეტის ცეკვა. იგი ჩემთვის მარტო მეგობარი კი არ არის, არამედ დიდი ბალერინაა. სპექტაკლის შემდეგ, ერთი საათის განმავლობაში, ვისხედით და ავტოგრაფებს ვარიგებდით. საოცრად თბილი დამოკიდებულება ვიგრძენით. თბილი, ლამაზი მიღება გვქონდა. ყველაფერს გულით აკეთებენ, ყალბი სიცილი არა აქვთ“.

გულნარა სუბარაშვილი *კონცერტმაისტერი:*

„იაპონიის ქალაქ იოკოსუკაში ახალგაზრდა ქართველების ოჯახი ჩამოვიდა. მათ ტოკიოში ბილეთები ვერ იშოვეს ჩვენს სპექტაკლებზე. ტოკიოდან ოსაკაში რომ გადავდიოდით, ჩვენთან ერთად იმგზავრეს იმ ადამიანებმა, რომლებიც სპექტაკლს ესწრებოდნენ და გაოცებული და ბედნიერები იყვნენ, რომ მსახიობებს ასე ახლოს უყურებდნენ“.

ნუკრი მაღალაშვილი *პედაგოგ-რეპეტიტორი:*

„დონ კიხოტში“ ლალი კანდელაკისა და ანხელ კორელას გამოსვლა არაჩვეულებრივი იყო. შემიძლია ვთქვა, რომ ლალის ასეთ დონეზე იმ კონკურსზეც არ უცეკვია, სადაც გაიმარჯვა. საოცრად კარგი მოცეკვავე და პარტნიორია კორელა, ამავე დროს დიდი მსახიობიც. მათი ტემპერამენტი დასსაც გადაედო და ბრწყინვალე სპექტაკლი შედგა. მაყურებელი დიდხანს არ უშვებდა სცენიდან სოლისტებს, აღარც კი მახსოვს რამდენჯერ გაიხსნა და დაიხურა ფარდა“.

ნიალა გოქიაშვილი *წამყვანი რეჟისორი:*

„დონ კიხოტში“, ლალი კანდელაკთან ერთად, იცეკვა საბალეტო სამყაროში აღიარებულმა სოლისტმა, ესპანელმა ანხელ კორელამ. ეს იყო სპექტაკლი-დღესასწაული. რეპეტიცია სულ 40 წუთი გაგრძელდა. მოვიდა, შეხვდა პარტნიორს და საჭიროდ აღარ ჩათვალა მთელი სპექტაკლის გავლა. მხოლოდ საკუთარი ვარიაციები გაიარა და დირიჟორს ტემპები აჩვენა. რაც შეეხება მიზანსცენებს, კორელამ განაცხადა, რომ სცენაზე გააკეთებს იმას, რასაც იმ მომენტში საჭიროდ ჩათვლის. იმედი ჰქონდა, ლალი მას გაუგებდა. ასეც მოხდა. ლალი საოცრად სხვანაირი იყო. ისინი ზუსტად ცეკვავდნენ იმას, რასაც ჩელიტა და ბაზილი უნდა ცეკვავდნენ „დონ კიხოტში“. მე არ ვიზიარებ იმ მოსაზრებას, რომ პარტნიორები სცენაზე უნდა ცეკვავდნენ იმას, რასაც ცხოვრებაში გრძნობენ. კორელამ და კანდელაკმა ეს მოსაზრება უფრო გამიმყარეს“.

თაონა ჩარკვიანი *საბალეტო დახის გამგე:*

„ტოკიოში, ბოლო სპექტაკლის შემდეგ, იაპონელებმა ულამაზესი ფეიერვერკი მოგვინყვეს სცენაზე. ცვივოდა ფერად-ფერადი ქალაღებები. ჩვენმა ბიჭებმა საქართველოს ხუთჯვრიანი დროშები ააფრიალეს. აქვე გამოგვიცხადეს, რომ დასს 2010 წელს იაპონიაში კვლავ ელიან“.

დასის ეხონიკა

თეატრში დაბრუნებულ ვასილ ახმეტელს მოკლე დროში რამდენიმე ახალი პარტიის მომზადება მოუხდა. 6 მაისს მან ესპადა იცეკვა „დონ კიხოტში“, 22 მაისს პირველი გამოსვლა ჰქონდა „მოცარტიანაში“, 29 მაისს კი – „სიმფონიური ვესტერნის“ მესამე ნაწილსა და ერთმოქმედებიან ბალეტში „ნამი გარდასახვამდე“. 2 ოქტომბერს პირველად იცეკვა კოლენი „ამაო სიფრთხილში“. 22 მაისს „ჩაკონაში“ მთავარი პარტია პირველად შეასრულა ლალი კანდელაკმა. დავით ხოზაშვილმა კი „მოცარტიანაში“ პირველად იცეკვა ჟიგა. 25 ოქტომბერს შედგა ლაშა ხოზაშვილის დებიუტი „დონიცეტი ვარიაციებში“.



ლიზა – მარიამ ალმასიძე, კოლენი – მასილ ახმეტელი. „ამაო სიფრთხილში“

იჩაკი ბახტაძე ნოხეგიაში

5-24 მაისს, ნორვეგიის ნაციონალური ბალეტის მიწვევით, საბალეტო დასის წამყვანი სოლისტი იჩაკი ბახტაძე ოსლოში იმყოფებოდა, სადაც მან პრინცი ზიგფრიდის პარტია იცეკვა პ. ჩაიკოვსკის ბალეტში „გედების ტბა“. ბახტაძე პარტნიორობას უწევდა ოსლოს საბალეტო დასის პრიმა-ბალერინას ინგრიდ ლორენსენს. მოცეკვავე ნორვეგიის წამყვანი თეატრის სცენაზე სამ სპექტაკლში გამოვიდა.



სეზონი გადა კონცხით დაიხეხა

27 მაისს, საბალეტო დასმა 155-ე თეატრალური სეზონი ბავშვთა დაცვის საერთაშორისო დღისადმი მიძღვნილი გალა კონცერტით დახურა. კონცერტი საქველმოქმედო იყო და ქართული ბალეტის მეგობართა საზოგადოებისა და კომპანია „მაგთის“ ფინანსური მხარდაჭერით მოეწყო. გალა კონცერტს საქართველოს სხვადასხვა რეგიონიდან მონაწილე 1000 ბავშვი დაესწრო. კონცერტის დაწყებამდე ბავშვებს ქართული ბალეტის მეგობართა საზოგადოების მმართველი საბჭოს თავმჯდომარე ქალბატონი მარიელა ტეფტი მიესალმა. კომპანია „მაგთის“ სახელით კი ბალი ბიჭმა ბავშვები შესვენებაზე, წითელ დარბაზში, ნამცხვარზე მიიპატიჟა. გალა კონცერტზე დასმა ორი ერთმოქმედებიანი ბალეტი წარმოადგინა: „ნამი გარდასახვამდე“ და „სიმფონიური ვესტერნი“, შესრულდა ორი პა დე დე ბალეტებიდან „დონ კიხოტი“, „ყვავილების ფესტივალი ჯენცანოში“ და ჟოკების ცეკვა.



ქოხეოგიაფიცი სასწავლების გამოშვება

სასწავლო წლის ბოლოს ვ. ჭაბუკიანის სახელობის საბალეტო ხელოვნების სახელმწიფო სასწავლებლის ტრადიციული, გამოსაშვები საღამო გაიმართა. თბილისის ოპერისა და ბალეტის სახელმწიფო თეატრში მოსულ მაყურებელს სასწავლებელმა საინტერესო საღამო მოუმზადა. დამდგმელი ბალეტმანისტერის ნუკრი მაღალაშვილის მიერ აგებულ პროგრამაში შესაძლებელი იყო ყველა იმ ეტაპის გააზრება, რომელსაც აღსაზრდელები სწავლების სხვადასხვა საფეხურზე გადიან. კლას-კონცერტის შემდეგ წარმოდგენილი იქნა ქართული, ისტორიულ-ყოფითი, სახასიათო ცეკვის გაკვეთილები, ტაიჩის კლასი, რომლის შესწავლა ბოლო ორი წელია დაინიშნა სასწავლებელში და უკვე საგულისხმოდ შედეგებიც აქვთ. პირველი-მესამე კურსის მოსწავლეებმა მაყურებელს შესთავაზეს მინკუსის ბალეტი „პახიტა“ (პეტიპას ქორეოგრაფია). „პახიტას“ ცნობილ პა დე დეში ნინო მათიაშვილთან და თამარ ჯაშიაშვილთან ერთად დასის წამყვანი სოლისტი ლაშა ხოზაშვილი გამოვიდა.



ნინო მათიაშვილი. „პახიტა“

ქართული ბალეტის მეგობრები

156-ე თეატრალური სეზონის გახსნასთან ერთად საქმიანობა განაახლა ქართული ბალეტის მეგობართა საზოგადოებამ. 22 სექტემბერს, წითელ დარბაზში, საზოგადოების მმართველი საბჭოს თავმჯდომარემ მარიელა ს. ტეფტმა მორიგი მიღება გამართა, სადაც მონვეულ იქნენ ამ საზოგადოების წევრები და სტუმრები.

ახალ თეატრალურ სეზონზე, ქართული ბალეტის მეგობართა საზოგადოებაში უკვე განვერიანდა 22 პიროვნება. ცვლილებები მიღების პროცედურებში. სექტემბრიდან შემოდებულა ორი წრე: ოქროს (450 ლარი) და ვერცხლის (150 ლარი).

საზოგადოებამ ყოველწლიური სტიპენდიები გადასცა ვ. ჭაბუკიანის სახელობის საბალეტო ხელოვნების სახელმწიფო სასწავლებლის აღსაზრდელებს: მელორ ქოქაშვილს და თენგიზ ხუციშვილს – ნენსი გიფსონის სახელობის სტიპენდიები, თათია ისაკაძეს – ლია გოგოლაშვილის სახელობის სტიპენდია.

ეს სტიპენდიები მათ საშუალებას მისცემთ 2007-2008 სასწავლო წელს გადაიხადონ სწავლის საფასური. ნინო ანანიაშვილმა მადლობა გადაუხადა ქართული ბალეტის მეგობრებს და საინტერესო სიახლეებს დაჰპირდა ახალ თეატრალურ სეზონში.



მარიელა ტეფტი და ნინო ანანიაშვილი სტიპენდიების გადაცემისას



გილოცავთ!

ღიღიანა მითაიშვილს დაბადებიდან 70 წელი შეუსხდია

ჩვეულებრივად, როგორც ყოველ წელს ხდება, 17 სექტემბერს, ჩემს პედაგოგს ლილიანა მითაიშვილს დაბადების დღე მივულოცე. არც კი ვიცოდი, თურმე საიუბილეო თარიღი ჰქონია. მაგრამ ამას იმისთვის, რის თქმაც მინდა, არანაირი მნიშვნელობა არა აქვს. მე მინდა, მივულოცო ქალბატონ ლილიანას ეს დღე. ადამიანებს ყურადღება და სიტბო მუდამ სჭირდებათ. ჩვენი ყოველდღიური, დაძაბული რიტმის გამო იქნებ ამას ყოველთვის ვერ ვახერხებდეთ, მაგრამ თავად იმდენ სიკეთეს გასცემს, არ შეიძლება, შენც არ გადმოგედოს. ამიტომაც მსურს, ამ პატარა წერილით გამოვხატო ჩემი სათქმელი. ჩემთვის ხომ იგი მხოლოდ პედაგოგი არ არის. უპირველესად ჩემი მეგობარია, უსიტყოდ გვესმის ერთმანეთის. შემოიძლია ვთქვა, რომ ჩემი თეატრალური ცხოვრება, თბილისის ოპერისა და ბალეტის თეატრის საბალეტო დასში, მასთანაა დაკავშირებული. სცენაზე პირველი გამოსვლიდან დღემდე გვერდით მიდგას, მამხნევეს. თუ რაიმე წარმატება მქონია, ამაში მისი დიდი წვლილია.

მინდა, დიდი მადლობა გადავუხადო ქალბატონ ლილიანას, ჩვენს ლალას, როგორც მას სიყვარულით ვეძახით, ვუსურვო ჯანმრთელობა და ბედნიერება. მინდა კიდევ მრავალ წელს ვხედავდე ჩვენ გვერდით, ასეთი ენერჯით აღსავსე დიდ პროფესიონალს, რომელიც, მჯერა, კიდევ არაერთ თაობას გაუკვალავს გზას საბალეტო ხელოვნებაში.

სიყვარულითა და პატივისცემით
ცისია ჩოლოყაშვილი

„ლაურენსიას“ პრემიერამდე დაქაბულ შემოქმედებით სამუშაოს თეატრის სახელოსნოებში, სარეჟისორულ და რეჟისორულ, კულისებსა და გოლოს სცენაზე კორდობალების მსახიობი და ანაგვაროულად, შ. რუსთაველის სახელოსნო თეატრისა და კინოს უნივერსიტეტის მიმთხე კურსის სტუდენტი ტატა ქათამაძე ოპერატორთან ერთად, აღევენება თვალს. ფილმი „ლაურენსია მოდის“ ტატას საკურსო ნამუშევარია. მისი პრემიერა თეატრის წითელ დარბაზში 18 ნოემბერს გაიმართა.

„არაბესკის“ თხოვნით ტატას ესაუბრა და ფილმის პრეზენტაციაზე მოსულ სტუმრებს საკუთარი აზრის გამოთქმა სთხოვა, პრეზენტაციის ერთ-ერთმა ორგანიზატორმა, საბალეტო დასის მსახიობმა ლიკა ლაბაქიძემ.

სპექტაკლის დაბადება კამეხამ აღბეჭდა

**რატომ გადაწყვიტე გადაგელო ფილმი „ლაურენსიაზე“.
ჩვენთან ხომ ბევრი ბალეტი იდგმება?**

„ლაურენსია“ ქაბუკიანის მიერაა დადგმული სამოცი წლის წინ და მისი აღდგენა დღეს უკვე ისტორიული მოვლენაა. დოკუმენტური კინოს მიზანი კი ის არის, რომ ისტორიას არ დაეკარგოს ასეთი მასშტაბური ფაქტები. ამჯერად ჩემთვის საინტერესო აღმოჩნდა „ლაურენსია“. შემდეგში შეიძლება სხვა ბალეტიც გახდეს.

შენ თავად მონაწილეობ ამ სპექტაკლში. უამრავი რეპეტიცია, კლასები... როგორ შეათავსე ყველაფერი ეს გადაღებასთან?

ეს მართლაც ძალიან რთული იყო. რეპეტიციებს შორის დავრბოდი გადაღებებზე. დიდად დამეხმარა ჩემი ოპერატორი ირაკლი მეტრეველი, რომელიც ხშირად რეჟისორის საქმეს აკეთებდა.

როგორც რეჟისორმა კულისებს მიღმა რაიმე სიახლე ხომ არ დაინახე?

იცი, უფრო კარგად დავინახე უამრავი ადამიანი, რომელიც სპექტაკლის შექმნაში მონაწილეობს და კულისებს მიღმა რჩება. მათი სახელები არც აფიშაზე წერია და არც ბუკლეტში. ამ ადამიანების შრომის ჩვენება იყო ჩემი ფილმის ერთ-ერთი მიზანი.

**ნუკრი მაღალაშვილი,
დამდგმელი
ქორეოგრაფი:**

სასიამოვნოდ გაკვირვებული დავრჩი ფილმის ნახვით. რეპეტიციების დროს გადაღებები მშვიდად, შეუმჩნეველად მიდიოდა და არც მეგონა, ამხელა მასალას თუ მოუყარეს თავი. უფრო სტუდენტურ ნამუშევარს ველოდი, ფილმი კი საკმაოდ სერიოზული ნამუშევარი აღმოჩნდა. ტატას, როგორც რეჟისორს, საკმაოდ სერიოზული ნიუანსები აქვს ნაჩვენები, რაც იმ დიდ შრომას აჩვენებს, ერთი საბალეტო სპექტაკლის შესაქმნელად რომ არის საჭირო. საინტერესო ინტერვიუებით, რეპეტიციის კადრებით, ქორეოგრაფის მუშაობის, დეკორაციებისა და კოსტიუმების შექმნის პროცესით ფილმი ზუსტ ნარმოდგენას გვიქმნის იმაზე, როგორ დაიდგა „ლაურენსია“.

ნინო ანანიაშვილი,
საბალეტო დასის
სამხატვრო
ხელმძღვანელი:

გარდა იმისა, რომ
ძალიან მესიამოვნა
ფილმის ნახვა, თავად
ფაქტია ალსანიშნავი,
რომ თეატრში არა
მარტო ნიჭიერი
მსახიობები, არამედ
შემოქმედი ახალგაზრ-
დობა გვყავს.
ბალეტის შექმნის
პროცესი ყოველთვის
იკარგება, მაყურებელი
ვერ ხედავს მას.
რეჟისორმა მაყურე-
ბელს სწორედ ეს
დაანახვა. სამწუხა-
როდ, ძველ სპექტაკ-
ლების შესახებ ძალიან
მწირი ინფორმაცია
გაგვაჩნია, ცოტაა
ფოტომასალა,
არაფერს ვამბობ
ვიდეომასალაზე.
ამიტომ დიდი მნიშე-
ნელობა აქვს ამ ფილ-
მის გადაღებას, რად-
გან მომავალ თაობებს
კარგად შეეძლებათ
დაინახონ ბალეტის
შექმნის პროცესი.

რა იყო მთავარი სათქმელი ამ ფილმში. რა გინდოდა, გეთქვა მაყურებლისათვის?

მაყურებელი უფრო კულისებში შევახედე. მინდოდა, მათ ეგრძნოთ ის დაძაბულობა, ნერვიულობა, თითქოს უმნიშვნელო წვრილმანები, მაგრამ აუცილებელი სპექტაკლის საბოლოო სახისთვის. შევეცადე, გადმომეცა ბალერინების რთული სამუშაო პროცესი, პარტიის მომზადებას რომ ახლავს თან. ამიტომაც ფილმში ნაკლებადაა გამოყენებული მთლიანი ცეკვები ან ვარიაციები და თხრობა უფრო დეტალებზეა აგებული.

ნაცნობ გარემოში იყავით, წესი არ უნდა გაგჭირვებოდა გადაღების პროცესი.

ასე მგონია, სხვა თეატრში უფრო გამიადვილდებოდა. როცა არ იცნობ რესპონდენტებს, უფრო თამამი და გაბედული ხარ. რთული ყოფილა შენს ნაცნობებთან, კოლეგებთან მუშაობა. ცოტათი ვფრთხილობდი და მეშინოდა, რაიმე არ შემშლოდა.

როგორ შეატყვე, მაყურებელი სწორად მიგიხვდა ჩანაფიქრს?

მინდოდა, მაყურებელს მხოლოდ მშრალი ინფორმაცია არ მიეღო, არამედ პროცესების უშუალო მონაწილე გამხდარიყო. არ ვიცი, მათ როგორ აღიქვეს. თუ წარმატებული გა-
მოდგა ჩემი ფილმი, ეს ძალიან გამახარებს. მის შექმნაში მთელი სული და გული ჩავდე. მაყურებელს კი ყოველთვის მოსწონს ის, რაც გულწრფელია.

ისეთი რამ ხომ არ გადაგიღია, რისი გამოყენებაც ფილმში ვერ გაბედე, ან გადაღება ვერ შეძელი?

არა, გაუბედაობის მომენტი არ მქონია. გული კი მწყდება, რომ ფილმში გარკვეული მიზეზების გამო, ვერ მონაწილეობს ქალბატონი ვერა ნიგნაძე. მინდოდა ქალბატონ ნინო ანანიაშვილთან უფრო ვრცელი საუბარი, რაც მისი დატვირთული გრაფიკის გამო ვერ მოხერხდა. იმედი მაქვს, მომავალში შევძლებ მასზე ფილმის გადაღებას.

არქანთაქონია



ინტარკვი რაქისორთან



სვეტლანა გორიაშვილი

ნინო მღვინაძე

...სვეტლანა გორიაშვილს ცეკვა ბავშვობიდან უყვარდა. სულ პატარა გოგონა სარკის წინ დგებოდა და საათობით ცეკვავდა ხოლმე. ამან გადააწყვეტინა მის დედას, გოგონა ცეკვის წრეზე მიეყვანა. ქალბატონი სვეტა დღესაც სიამოვნებით იხსენებს იმ პერიოდს, როდესაც ასწავლიდნენ ხალხურ ცეკვებს, რუსულს, ესპანურს. პედაგოგის რჩევით, მან მეცადინეობა საბალეტო სტუდიაში დაიწყო, რადგან იმხანად ქორეოგრაფიული სასწავლებელი ჯერ კიდევ არ არსებობდა. ერთი წლის მერე ვახტანგ ჭაბუკიანის მიერ დაარსებულ სასწავლებელში განაგრძო სწავლა.

ქალბატონი სვეტა დღესაც უდიდესი მადლიერებით იხსენებს თავის პედაგოგებს: „პირველი პედაგოგი თამარ ვიხოდცევა იყო, მერე ვახტანგ ჭაბუკიანი, თეატრში ვმუშაობდი მარია ბაუერთან, რომელიც ბოლომდე ჩემ გვერდით იყო და ზრუნავდა ჩემზე. ისინი მართო ბალეტს, ან ცეკვას კი არ გვასწავლიდნენ, არამედ ურთიერთობებს და საერთოდ ბევრ ცხოვრებისეულ რამეს“.

სასწავლებელში გატარებულმა წლებმა გამოცდილების თვალსაზრისით მას ბევრი შესძინა, რადგან არაერთ სპექტაკლში მოუწია სერიოზული და მნიშვნელოვანი პარტიების შესრულება. თუმცა ყველაზე საინტერესო ეტაპი შემოქმედებაში ჯერ კიდევ წინ იყო. ქორეოგრაფიული სასწავლებლიდან თბილისის ოპერისა და ბალეტის სახელმწიფო თეატრში მივიდა, თავიდანვე სოლისტად მიიღეს. პირველი სპექტაკლი, რომელშიც იცეკვა, „გედების ტბა“ გახლდათ. „თუმცა მოსწავლეობის პერიოდში, როცა პრაქტიკები გექონდა, „კონკიაში“ ზაფხულის ფერია ვიცეკვე. ვახტანგ ჭაბუკიანი უდიდეს ყურადღებას მაცეკვედა, ხშირად მაცეკვებდა სხვადასხვა სპექტაკლში“.

პირველი სერიოზული პარტია ეს იყო გერტრუდა ბალეტში „ჰამლეტი“. მაშინ 19 წლის იყო, თუმცა გაცილებით უფროსი ასაკის ქალბატონის პარტია შეასრულა, თანაც საკმაოდ წარმატებულად.

პარტნიორთა შორის განსაკუთრებულად ნუკრი მაღალაშვილს გამოჰყოფს და აღნიშნავს, რომ მასთან ცეკვა ნამდვილი ბედნიერება იყო მისთვის.

რაც შეეხება პედაგოგიურ მოღვაწეობას, ცდილობს, ისევე ასწავლოს ახალგაზრდა ბალერინებს, როგორც თავის დროზე მას ასწავლიდნენ თავისი პედაგოგები. სვეტა გორიაშვილი განსაკუთრებულად აღნიშნავს, რომ მან ნატალია ზოლოტოვას პედაგოგიური კურსები დაამთავრა: „მისგან ვისწავლე, როგორ ვასწავლო საბალეტო სკოლაში. სწორედ ამიტომაც თეატრში მისვლისთანავე ეს კურსი ავიღე. ჩემთვის დღემდე სამაგალითოდ რჩება ვახტანგ ჭაბუკიანის, ასევე მიხეილ ლავროვსკის მიერ ჩატარებული გაკვეთილები. ბალეტის გაკვეთილი მეტად თავისებურ მიდგომას საჭიროებს, ეს არ არის ადამიანის მხოლოდ ფიზიკური მომზადება, მის პლასტიკაზე მუშაობა. აუცილებელია რეპერტუარის შესწავლა. ამიტომაც ჩემს მოსწავლეებს ხშირად ვუამბობ სხვადასხვა ბალეტის შესახებ. იმ შემთხვევაში, თუ თეატრის რეპერტუარში მომავალში მაინც გამიზნულია რომელიმე სპექტაკლის დადგმა, ვცდილობ, ვუამბო და წარმოადგენა შევუქმნა ამ ბალეტის შესახებ. ეს ერთგვარი კომბინირებული გაკვეთილია“.

ქალბატონი სვეტლანა ცდილობს, გოგონები გაკვეთილიდან მაქსიმალურად დატვირთულნი და შთაბეჭდილების ქვეშ მყოფნი წავიდნენ. რასაკვირველია, თითოეული მათგანი გარკვეული დოზით შეიმცნებს ყველაფერს. საჭიროების შემთხვევაში კი ეძლევათ ამ ცოდნის გამომჟღავნების საშუალება. თავის აღზრდილთაგან განსაკუთრებით ლალი კანდელაკსა და ნინო გოგუას გამოჰყოფს. „ლალი ჩემთან უკვე პროფესიონალ მოცეკვავედ ჩამოყალიბებული მოვიდა. ნინოსთან კი დღესაც ბევრს ვმუშაობ და უდიდეს იმედს ვამყარებ მასზე“.

ყოველდღიურად ვსვდებოდით თეატრში ქალბატონ ანა წერეთელს, მოკრძალებითა და მამის სახელით მივმართავდით.

ყოველდღიურად იგი ესწრებოდა კლასებს, რეპეტიციებს, მოდიოდა ყოველ სპექტაკლზე; ხაროზდა დასის წარმატებებით, განიცდიდა უმნიშვნელო წარუმატებლობასაც კი, გულშემატკივრობდა თავის მოსწავლეებს, რომლებიც ახლა დასში ცეკვავან.

გაზაფხულზე, ჟურნალის ერთ-ერთ ნომერში ქალბატონ ანა წერეთელზე მომზადებული წერილი მისივე სიტყვებით დავასათუშრეთ – „ზანატიკურად გიყვარდით თეატრი!“. ახლა ეს სიტყვები მის მიერ დანატოვარი ანდერძია იმ ახალგაზრდებისადმი, რომლებიც ქართული პალატის დღევანდელ სახეს ქმნიან, რომლის სათავეებთან იდგა ჭაბუკიანის სკოლის ერთ-ერთი პრეზიდენტი წარმომადგენელი – ანა წერეთელი, ჩვენი „ანა იოსიფოვნა“.

ჩემი საყვარელი

აღმზრდელი – „ნიუსია“


ირინე ჯანდიერი

თითქოს ადვილად უნდა დამეწერა ეს წერილი, რადგან ყველაფერი, რაც მასზე მინდა ვთქვა, წლებით ნაფიქრი და განცდილია. მაგრამ მრავალჯერ დაწყებული საქმე ბოლომდე ვერ მივიყვანე. ძნელი ყოფილა იმ ემოციებისა და განცდების გადმოცემა, რაც ანა წერეთლის ამ ქვეყნიდან წასვლამ დამიტოვა. ერთი თვის შემდეგ 85 წლის უნდა გამხდარიყო. ვფიქრობდი, როგორ უნდა მიმელოცა, ისე როგორც მას შეეძლო, გულთბილად, სიყვარულით. ეს დღე კი მის გარეშე დადგა.

თეატრსა და ცხოვრებაში მას უბრალოდ, შინაურულად „ნიუსიას“ ვეძახდით. მრავალი ათეული წლის განმავლობაში, ქართული ბალეტისათვის უსაზღვროდ თავგანწირული ეს პიროვნება, თავისი საყვარელი კოლექტივის ყოველი დღესასწაულის, გასააჭირისა თუ უბრალოდ, თეატრის ყოველდღიურობის განუყოფელი ნაწილი გახლდათ.

მან თავისი საყვარელი კერპისა და დამრიგებლის, ვახტანგ ჭაბუკიანისაგან კარგად შეითვისა საკუთარი თავისადმი უზომოდ სერიოზული დამოკიდებულება და უსაზღვრო სიყვარული. როგორც პედაგოგი და რეპეტიტორი მომთხოვნი იყო არა მხოლოდ მოსწავლეებისა და კოლეგების მიმართ, არამედ, უპირველესად საკუთარი თავის მიმართ.

მათთვის, ვისაც მასთან ჰქონდა ურთიერთობა, კარგად იყო ცნობილი მისი ყოველთვის მაქსიმალური სიმკაცრე ყველაფრის მიმართ, რაც პროფესიულ საკითხებს უკავშირდებოდა – საბალეტო პოზიციების სისუფთავიდან კოსტიუმისა და გრიმის უკანასკნელ ნიუანსამდე. თვალწინ მიდგას ბედნიერებისა და უსაზღვრო აღფრთოვანებისაგან გაბრწყინებული მისი თვალები, როცა სცენაზე დღესასწაული იმართებოდა – ან პრემიერა, ან ვინმეს დებიუტი, ან, უბრალოდ, რიგითი კარგი სპექტაკლი.



გოლო ფოტო. „ლაუსენისას“ პრემიერა. 2007 წლის 19 აპრილი

„ანა იოსიფოვნა“ უღალატო მეგობარი გახლდათ – თავისი ახლობლების, თავისი კოლეგების, თავისი შესანიშნავი მეუღლის – გამოჩენილი ქართველი რეჟისორის ვახტანგ ტაბლიაშვილისა; მეგობარი ახალგაზრდებისა, რომელთა მიმართ სიცოცხლის ბოლომდე გამოხატავდა ცხოველ ინტერესს. როგორც რეპეტიტორს, მას ჰქონდა იშვიათი, ფენომენალური მეხსიერება – ბოლო დეტალამდე ახსოვდა კორდებალეტის თითოეული მოცეკვავის მოძრაობა და ცეკვის ყველაზე რთული მონახაზიც კი, ჩვენი თეატრის სცენაზე განხორციელებული ნებისმიერი სპექტაკლიდან.

მე გამიმართლა, რადგან, ქორეოგრაფიულ სასწავლებელში, მისი პირველი პედაგოგიური ნაკადის მოსწავლეთა შორის მოვხვდი. და იმ დღიდან – როგორც სასწავლებელში, ასევე თეატრში, სიცოცხლის უკანასკნელ დღემდე, იგი მარტო პედაგოგი კი არა, მეორე დედა იყო ჩემი, ერთგული მეგობარი და ჩემთვის ახლობელი, მკაცრი, მაგრამ საყვარელი დამრიგებელი. ძალიან ამაყობდა ჩემი წარმატებებით და იმის მიუხედავად, რომ თეატრში ჩემი რეპეტიტორები თამარ ჭაბუკიანი და მარია ბაუერი იყვნენ, ყოველი დღი „ანა იოსიფოვნას“ შესანიშნავი გაკვეთილებით იწყებოდა.

მას მრავალმხრივ ვიცნობდი – როგორც შესანიშნავ შვილს დედისა, რომელიც უსაზღვროდ უყვარდა; როგორც დიდებული დიასახლისის და მეუღლეს ბატონ ვახტანგისა; როგორც მზრუნველ ბებიას მეზობლის პატარა გოგონა – ქეთისათვის, რომელსაც შვილიშვილივით უვლიდა. მაგრამ, პირველ რიგში, მაინც როგორც გამორჩეულ ბალერინას, ბრწყინვალე სახასიათო მსახიობს და ბრძენ, მომთხოვნ პედაგოგს. ვიცნობდი მგრძობიარეს, უსაზღვროდ მომთმენს გასაჭირის დღეებში, მაგრამ ყოველთვის ძლიერს, ამაყს და ენერგიით აღსავსე პიროვნებას. ეს თვისებები ქალბატონმა ანამ მთელი ცხოვრების განმავლობაში შეინარჩუნა. მხოლოდ საყვარელი მეუღლის გარდაცვალების შემდეგ მის თვალეში მისთვის უჩვეულო სევდა ჩასახლდა.

ჩვენ ბოლო შეხვედრას ვიხსენებ, გარდაცვალებამდე ერთი დღით ადრე. მე დავინახე პატარა, უმწეო მოხუცი, რომელიც არ ჰგავდა ადრინდელ ანა წერეთელს. ჩემთვის გაუგებარი იყო, ესმოდა კი ჩემი, იგებდა იმას, რაზეც ვესაუბრებოდი. მოულოდნელად მან მკითხა, როგორ მიმდინარეობდა დასის გასტროლები იაპონიაში და უცებ ძველებურად გაუბრწყინდა თვალები და მე ვიგრძენი – ის ბედნიერი და ამაყი იყო. მეორე დღეს ანა წერეთელი გარდაიცვალა.

როცა თეატრში მოვდივარ, ხშირად მგონია, რომ იგი ისევ შემხვდება და ძველებურად მომიკითხავს. ტელეფონის ზარს როცა გავიგებ, მგონია, ის მირეკავს, რომ შემეკითხოს, რაიმე ხომ არ მჭირდება. ამ შეკითხვას მან ბავშვობიდან შემაჩვია. და მე მიჭირს იმ აზრთან შეგუება, რომ ჩვენ შორის აღარ არის ჩვენი „ანა იოსიფოვნა“, ჩემი „ნიუსია“.

კათოლიკოს–პატრიარქის აღსაყდრების 30 წლისთავს მიეძღვნა

სრულიად საქართველოს კათოლიკოს-პატრიარქის, უწმიდესისა და უნეტარესის ილია მეორის აღსაყდრების 30 წლისთავთან დაკავშირებით ნინო ანანიაშვილის ფონდმა 6 ნოემბერს საქველმოქმედო სპექტაკლი გამართა. ა. ადანის ბალეტ „ჟიზელი“ იცეკვა პრიმა-ბალერინა ნინო ანანიაშვილმა, რომელსაც პარტნიორობას ვასილ ახმეტელი უწევდა. სპექტაკლის ბოლოს მაცურებელს თავად პრიმა-ბალერინამ მიმართა და საზოგადოებას სიმშვიდისა და ერთიანობისაკენ მოუწოდა. „მოვუსმინოთ მის უწმიდესობას, გავიზიაროთ მისი მონოდება და ვილოცოთ ჩვენს ქვეყანაში მშვიდობისათვის“ – განაცხადა ნინო ანანიაშვილმა. სპექტაკლიდან შემოსული თანხა პატრიარქის ფონდში გადაირიცხა.

გაეხოს ეგიდით

17-24 ოქტომბერს მსოფლიოში გაეროს კვირეული ჩატარდა. გაეროს თბილისის ოფისისა და საბალეტო დასის თანამშრომლობის შედეგად მზრუნველობას მოკლებული და სოციალურად დაუცველი ბავშვებისათვის საქველმოქმედო სპექტაკლი გაიმართა. ბალანჩინის ბალეტებზე ბავშვთა სახლებიდან 1000-ზე მეტი ბავშვი იქნა მონაწილე. მათ მიესალმა საბალეტო დასის სამხატვრო ხელმძღვანელი ნინო ანანიაშვილი, რომელიც ჩაიკოვსკის „მოცარტიანაში“ იმ დღეს პირველად გამოვიდა თბილისის ოპერისა და ბალეტის თეატრის სცენაზე. ნინა დღით ნინო ანანიაშვილს გაეროს კეთილი ნების ელჩის წოდება მიენიჭა და ამის დამადასტურებელი მონაწილე „ქორთიარდ მარიოტში“ გაეროს კოორდინატორმა რობერტ ვოტკინსმა გადასცა.



ნინო ანანიაშვილი და რობერტ ვოტკინსი

დასის გასტროლი აშშ–ში 14 თებერვლიდან დაიწყება

თბილისის ოპერისა და ბალეტის სახელმწიფო თეატრის საბალეტო დასი 14 თებერვლიდან ერთთვიან გასტროლს გამართავს ამერიკის შეერთებულ შტატებში. დაგეგმილია დასის გამოსვლები სანტა ბარბარაში, ლოს ანჯელესში, ჩიკაგოში, მინეაპოლისსა და აიოვაში. სპექტაკლები ასევე წარმოდგენილი იქნება ნიუ იორკში, ბრუკლინის მუსიკალური აკადემიის თეატრში, სადაც საკმაოდ პრესტიჟული კომპანიების მიწვევა ხდება. საგასტროლოდ საბალეტო დასი წარმოადგენს ბალეტებს: „ჟიზელი“, „დონ კისოტი“, „ჩაკონა“, „სიზმრები იაპონიაზე“ და იური პოსოხოვის ერთმოქმედებიან ბალეტს, რომლის პრემიერას იანვარში ქართველ მაცურებელს შესთავაზებენ. დასთან ერთად გასტროლზე დაგეგმილია თეატრის ორკესტრისა და „სანო სტუდიის“ მუსიკოს-შემსრულებლების გამგზავრება.



NYC Ballet

საგაზაფხულო სეზონის ბოლოს პიტერ მარტინსმა, ნიუ იორკ სითი ბალეს სამხატვრო ხელმძღვანელმა, საკმაოდ თამამი ნაბიჯი გადადგა და ბალანჩინის თეატრში, სერგეი პროკოფიევის ბალეტი „რომეო და ჯულიეტა“ დადგა. მარტინსმა ბალეტი ორ მოქმედებამდე დაიყვანა, ამოიღო ორ გვარს შორის მტრობა და ბევრი მასობრივი სცენა ვერონის მოედანზე. მიუხედავად იმისა, რომ მარტინსმა თითოეული გმირის ქორეოგრაფიისათვის გამოიყენა რთული ტექნიკური მოძრაობები,

ქორეოგრაფია მაინც უსიცოცხლოდ გამოიყურება. მიმომხილველები ერთ ლოგიკურ შეკითხვას სვამენ – რამდენად ორგანულია სიუჟეტის ბალეტის დადგმა ბალანჩინის თეატრში?

დიე თეატრი

გასული თეატრალური სეზონი დიდი თეატრის საბალეტო დასმა პრემიერით დახურა. საბალეტო დასის სამხატვრო ხელმძღვანელმა ალექსანდრე რატმანსკიმ „კორსარის“ ახალი რედაქცია დადგა. ბალეტი მარიუს პეტიპას ქორეოგრაფიას ეყრდნობა. გამოყენებულია დელიბას, პუნის, დრიგოს, ჰერბერის და სხვა კომპოზიტორების მუსიკა. მუსიკალური დრამატურგიის კონცეფცია იური ბურლაკას ეკუთვნის. „სპექტაკლში – 60 წუთი უშუალოდ პეტიპას ეკუთვნის, 20 წუთი რატმანსკის, პლიუს პეტიპას პანტომიმა“, – ასეთ კომენტარს უკეთებენ დამდგმელები საკუთარ ნამუშევარს. ამ დადგმისათვის დეტალურად იქნა შესწავლილი და გაშიფრული ბალეტის ქორეოგრაფიული ნოტაცია, რომელიც ჰარვარდის უნივერსიტეტში ინახება. ორიგინალური პარტიტურა პარიზის ოპერის არქივიდან მოსკოვში ჩაიტანეს, კოსტიუმების ესკიზები პეტერბურგის თეატრალურ მუზეუმში მოიძიეს. შესწავლილ იქნა პეტიპას არქივი. თავად სპექტაკლი, როგორც მიმომხილველები აღნიშნავენ, უდავოდ საინტერესო, დინამიკური გამოდგა. მთავარი პარტიები პრემიერაზე სვეტლანა ზახაროვამ და დენის მატვიენკომ იცეკვეს.

ახალ სეზონში დიდი თეატრის საბალეტო დასი რამდენიმე ბალეტის პრემიერას გეგმავს. მათ შორის ერთი უკვე შედგა. „გაკვეთილი“ – ეს არის დანიელი მოცეკვავისა და ქორეოგრაფის ფლემინგა ფლინდტომის მიერ შექმნილი ბალეტი ეჟენ იონესკოს აბსურდული ტრილერის მოტივებზე. განახლდება ბალეტი „სილფიდა“, დანიელი იოჰან კობზორგის მიერ. ალექსანდრე რატმანსკი კი „პარიზის ალს“ აღადგენს. მაისში საზეიმოდ აღინიშნება ლეგენდარული პრიმა-ბალერინას მარინა სემიონოვას 100 წლის იუბილე.



მახიას თეატრი

2 და 3 ნოემბერს მარიას თეატრის სცენაზე წარმოდგენილი იქნა პროექტი „ცეკვის მეფეები“, რომელშიც მონაწილეობდნენ ნიკა ცისკარიძე (რუსეთი), იტანა სტიფელა (ამერიკა), ანხელ კორელა (ესპანეთი) და იოჰან კობზორგი (დანია). NEW YORK MAGAZINE-ს აზრით, ეს არის 2006 წლის ყველაზე საუკეთესო ქორეოგრაფიული პროექტი. პროდიუსერ სერგეი დანილიანის პროექტი უბრალო და გენიალურია: მსოფლიო ბალეტის ვარსკვლავები თანამედროვეობის აღიარებული ქორეოგრაფების ოპუსებს ცეკვავენ.

პროგრამაშია როლან პეტის, ფლემინგა ფლინდტას, კრისტოფერ უილდონის, სტენტონ უელშის, ნილსა კრისტისა და ტიმა პაშტონის ქორეოგრაფია. ეს არის სხვადასხვა სკოლა, სხვადასხვა სტილი, და რაც მთავარია, მოცეკვავეები იძლევიან სრულყოფილ წარმოდგენას ჩვენი დროის მამაკაცის საუკეთესო ცეკვის შესახებ.

გოხგი ალექსიდის ქოხეოგრაფიის საღამო

სანკტ-პეტერბურგის მუსორგსკის სახელობის ოპერისა და ბალეტის მცირე თეატრის სცენაზე ლეონიდ იაკობსონის სახელობის ბალეტის თეატრმა გიორგი ალექსიდის ქორეოგრაფიის საღამო წარმოადგინა – „კლასიციზმი-დან პოსტმოდერნიზმამდე“. 22 საბალეტო მინიატურისაგან შემდგარი საღამო ფესტივალის – „ოქროს ნიღაბი“, პროგრამით იქნა წარმოდგენილი.

უძველესი თეატრალური ტრადიციებისა და კულტურის ქალაქში კარგად ახსოვთ ალექსიდის, იმუამად კონსერვატორიის მესამე კურსის სტუდენტის, ლოპუხოვის ნიჭიერი მოსწავლის, დებიუტი – „კამერული ბალეტისა და მუსიკის საღამო“, რომელშიც მარიას თეატრის სოლისტები და მუსიკოსები მონაწილეობდნენ. იმ საღამომ განცვიფრებაში მოიყვანა მაცურებელი. განვლილ წლებში ქორეოგრაფის სტილი ახლოებული გახდა პეტერბურგელი ბალეტის კორიფეებისათვის. ალექსიძე დგამდა მიხეილ ბარიშნიკოვის, ირინა კოლპაკოვას, ნიკიტა დოლგუშინის, ალა ოსიპენკოს, ირმა ნიორაძისა და სხვა ცნობილი მოცეკვავეებისათვის. 40 წლის შემდეგ გოგი ალექსიძე არ დალატობს შემოქმედებით პრინციპებს. მას ისევ გამოარჩევს „ორიგინალური კომბინაციები კლასიკური ცეკვის ტექნიკაში, არაჩვეულებრივი მუსიკალურობა, მუსიკალური ნაწარმოების სიღრმეებში წვდომა“ (პეტერბურგული პრესიდან).

ეს საღამო, იძულებითი პაუზის შემდეგ (იგი ქუჩაში თავდასხმის მსხვერპლი გახდა), ალექსიდის პირველი შეხვედრა იყო მაცურებელთან. მაესტრო დაუბრუნდა თავის საქმეს, რომელსაც ოთხი ათეული წელია ემსახურება. როგორც ბალეტის კრიტიკოსები აღნიშნავენ, „ალექსიძე თავისი მუზის ერთგული რჩება და მაცურებელს ისევ ჩუქნის საკუთარ ხელოვნებას, როგორც მაგალითს უმაღლესი პროფესიონალიზმის, გემოვნებისა და სიცოცხლის სიყვარულისა“.


გიორგი ალექსიდის ქორეოგრაფიის საღამოს სპეციალური გადაცემა მიუძღვნა სატელევიზიო არხმა “PTP Культура”. ქართველ ბალეტომანებს საშუალება ჰქონდათ ამ გადაცემით ოდნავ მაინც შექმნოდით წარმოდგენა ამ საღამოს შესახებ. ალექსიდის ქორეოგრაფიული ჩანაფიქრის საფუძველი მესიანის, შონბერგის, ბეთჰოვენის, შოსტაკოვიჩის, ვებერის, მალერის ნაწარმოებები გახდა. მაგრამ ქორეოგრაფი არ ივიწყებს იმ ქართველ კომპოზიტორებს, რომელთა შემოქმედებას მიმართავდა იგი თბილისში მუშაობის წლებში (ყანჩელი, კეჭყაყაძე). ერთ-ერთი მინიატურა ყანჩელის მუსიკაზე ბალეტმაისტერმა გენიალური სერგო ფარაჯანოვის ხსოვნას მიუძღვნა („ბრონეულის ყვავილი“), რომლის კინო-შედეგების ქორეოგრაფიას თავად ალექსიძე დგამდა.

შეიძლება ითქვას, რომ ამ საღამოს კულმინაცია, გვირგვინი გახლდათ ბრანევიჩის მუსიკაზე შექმნილი მინიატურა „სიკვდილი ვენეციაში“, სადაც ნიკიტა დოლგუშინის უბრალოდ გამოჩენაც კი ამ ქორეოგრაფიულ ქმნილებას კიდევ უფრო აკადემიურს ხდის.



გია ყანჩელი, „ლიტურგია“
(ბ. ალექსიდის ქორეოგრაფია)

ხელი ბოკა სცენას ემზიდობება



22 დეკემბერს მსოფლიო საბალეტო ხელოვნების ვარსკვლავი, არგენტინელი მოცეკვავე ხულიო ბოკა, რომელიც ამჟამად ბუენოს აირესში საკუთარ თეატრალურ დასს ხელმძღვანელობს, სცენას ემზიდობება. ბუენოს აირესის ერთ-ერთ ცენტრალურ მოედანზე გრანდიოზული თეატრალური სანახაობა დაგეგმილი. ამ დღისათვის არგენტინის დედაქალაქში საგანგებოდ ჩავლენ მსოფლიოს საბალეტო ხელოვნების ვარსკვლავები. ბუენოს აირესში გამგზავრებას გეგმავს ნინო ანანიაშვილი, რომელთანაც ხულიო ბოკა თხუთმეტი წელი ცეკვავდა ABT-ის სცენაზე. 1 ოქტომბერს, ვაშინგტონში, ახალი თეატრის გახსნისადმი მიძღვნილ გალა კონცერტზე, ისინი საბლოოდ შეხვდნენ ერთმანეთს სცენაზე და ჩაიკოვსკის „გედების ტბიდან“ პა დე დე იცეკვეს.

ეიფმანი თბილისში

თბილისს ბორის ეიფმანის საბალეტო დასი სტუმრობდა. ორდღიანმა გასტროლებმა, თბილისის ოპერისა და ბალეტის თეატრის სცენაზე, ბალეტო-მანების დიდი სიხარული გამოიწვია.


ეიფმანის თეატრის შექმნა, 1977 წელს, უნიკალურ მოვლენად მიიჩნეეს. მისი თამამი ექსპერიმენტები არც საზღვარგარეთ დარჩენიათ ყურადღების მიღმა. New York Times-სი ეიფმანს მიიჩნევდა ქორეოგრაფად, თავისუფალს თავის ხედვაში, რომელმაც გაბედა და მიმართა “პინკ ფლოიდის”, დ. მაკლაფლინისა და რ. უეიკმანის მუსიკას. ეს რევოლუცია იყო, აფეთქება, რის გამოც მან “დისიდენტი ქორეოგრაფის” სახელი დაიმკვიდრა.

ახლა ეიფმანის რეპერტუარში 40-ზე მეტი ბალეტია. რა გამოარჩევს მის დასს? – უპირველესად განსხვავებული პლასტიკური აზროვნება, გარდასახვის უნარი, ის, რაც ბალეტს სულიერ ხელოვნებად აქცევს.

თბილისური გასტროლების რეპერტუარში ეიფმანმა საგანგებოდ ჩართო მისი გახმაურებული ბალეტი „მუსაგეტი“. ეს არ იყო შემთხვევითი – გასტროლები განხორციელდა საერთაშორისო კულტურული პროექტის ფარგლებში, რომელიც დიდი ბალეტმაისტერის ჯორჯ ბალანჩინის სსოვნას მიეძღვნა.

„მუსაგეტი“ ეიფმანმა “ნიუ იორკ სითი ბალესათვის” 2004 წელს დადგა. დასში იგი პიტერ მარტინსმა მიიწვია. “ ეს იყო ყველაზე სასიხარულო დღე ჩემს ცხოვრებაში, ამბობდა მოგვიანებით ეიფმანი. პიტერ მარტინს თავში მოუვიდა წარმოუდგენელი იდეა, რომ მივეწვიე ბალანჩინის დასში”.

„მუსაგეტმა“ არ შეიძლება, გულგრილი დაგტოვოთ. ბალეტი ბევრი ასოციაციის მიხედვითაა შექმნილი. ქორეოგრაფმა ბახის, ჩაიკოვსკისა და ქართული ხალხური მუსიკა გამოიყენა. მაგრამ ეს არ არის ბალანჩინის ბიოგრაფია. ბალეტი ეიფმანის წარმოსახვებზეა აგებული, იგი ყველა საკუთარ ბალანჩინზე, იმაზე თუ როგორ გაიაზრა მან „მისტერ ბის“ შემოქმედება. „ეს ჩემი აღტაცებაა მისით, ეს ხარკის მიღებაა საბალეტო რუსეთისაგან იმის მიმართ, ვინც ასე გენიალურად განავითარა და სრულყო რუსული საბალეტო თეატრის ტრადიციები და მართლაც შესაძლებელი გახდა ცეკვის განვითარება მეცხრამეტე საუკუნიდან მეოცისაკენ. ეს არ არის ბიოგრაფიული ბალეტი, მაგრამ მასში არის პიროვნება ქორეოგრაფისა, რომლის ცხოვრებამაც საბალეტო დარბაზში განვლო, სადაც ყველაფერი შემოქმედებას ემორჩილებოდა, შემოქმედებას კი სული მისმა ბედმა შთაბერა. მე ჩავიძირე ბალანჩინი-



ნის ბალეტებში, გაოგნებული ვიყავი თვით ბალანჩინის პიროვნებით და უკვე აღარ შემიძლო ამ ხიზლისაგან გათავისუფლება“, – აღნიშნავდა ეიფმანი. ბალეტის სახელწოდება „მუსაგეტი“ პირდაპირი ასოციაციას არა მხოლოდ ბალეტზე, არამედ დიდი ქორეოგრაფის სახელზე. „აპოლონ მუსაგეტი“ ხომ შემობრუნების ნერტილი იყო ბალანჩინის შემოქმედებაში.

მოქმედება საბალეტო კლასში ვითარდება. შავი ფარდის მიღმა ჯერ მხოლოდ პუანტები მოჩანს (ბალანჩინის უყვარდა თქმა, რომ ქორეოგრაფად იგი პუანტებმა აქციეს). როგორც აპოლონ მუსაგეტში, ეიფმანის ბალეტშიც ბალანჩინის პირადი ცხოვრებიდან სამი მუზის თემაა განვითარებული. პირველი ქალი (მუზა), რომელიც კლასში მანეტროსთან ცეკვავს, ბალანჩინის მეორე ცოლის – ვერა ზორინას სახეა. შემდეგ ჩნდება მეორე მუზა, ახალგაზრდა მოცეკვავე, რომლისგანაც ქორეოგრაფი ბალერინას ქმნის. ეს სიყვარული ტრაგიკულად მთავრდება, ის ვეღარ ახერხებს ცეკვის გაგრძელებას. ბალანჩინის პირად ცხოვრებაშიც ასე მოხდა. მისი მეუღლე – ტანაკილ ლეკლერკი პოლიომელიტით დაავადდა და ვეღარ შეძლო ცეკვის გაგრძელება. მესამე და უკანასკნელი მუზა – ეს მისი მტანჯველი და გაუზიარებელი სიყვარული სიუზან ფარელია. და როცა ქორეოგრაფის ცხოვრება და შემოქმედება სრულდება, ისმის ქართული მუსიკა, თითქოს ქორეოგრაფი ბრუნდება საკუთარ ფესვებთან, გმირი ცხოვრებიდან მიდის. „ქართული სიმღერა – ეს არის ხიდი ორ კომპოზიტორს, ორ მუსიკალურ სფეროს – ბახსა და ჩაიკოვსკის შორის“, – ამბობდა პრემიერის დღეებში ეიფმანი.

ბალეტის ბოლოს სავარჯიშო ძელი იმსხვრევა და ქორეოგრაფი მასზე ასრულებს ცხოვრებას.

ბალანჩინის აპოლონი მეოცე საუკუნის დასაწყისში მუზებთან ერთად ავიდა ოლიმპოზე. ეიფმანის ბალეტის გმირმა კი ოცდამეერთე საუკუნის დასაწყისში შექმნა შესანიშნავი მუზები და უკვდავი ხელოვნება, დიდების ღირსი. ამიტომაც, ფიქრობენ, რომ ეიფმანმა ბალეტს მხოლოდ ერთი სახელწოდება დაუტოვა – „მუსაგეტი“. ბალანჩინი ხომ თავად გახლდათ თავისი შექმნილი კომპანიისა და გენბავთ, მთელი საბალეტო სამყაროს მუსაგეტი – მუზათა მბრძანებელი.

ეიფმანის თეატრმა თბილისში გასტროლების დროს მეორე ბალეტიც შესთავაზა მაყურებელს – მოცარტის ცნობილი „რექვიემის“ მუსიკაზე შექმნილი ამავე სახელწოდების ერთმოქმედებიანი ბალეტი. როგორც ბალეტმაისტერი აღნიშნავდა, იგი არც ერთ სპექტაკლში არ ყოფილა ისე გულწრფელი, შინაგანად ესოდენ გაშიშვლებული, როგორც მოცარტის „რექვიემში“.

საიდან ვართ? რისთვის ვართ? რანი ვართ? როგორები მოვდივართ ამ სამყაროში? რა გველის მას შემდეგ, რაც მას დავტოვებთ? – ამ კითხვებზე პასუხების გაცემას შეეცადა ეიფმანი „რექვიემში“.

ეიფმანის ბალეტის თეატრის დასმა მაღალი დონის საშემსრულებლო ხელოვნება აჩვენა. პოლიფონიურობა და დრამატიზმი, პლასტიკა და ახალი საცეკვაო ფორმები, კორდებალეტის გამოკვეთილი ფუნქცია ქმნიდა ისეთ სინთეზურ სანახაობას, სადაც ეიფმანის თეატრის ესთეტიკა, მისი საბალეტო ხელოვნების ახალი პრინციპები ვლინდებოდა.

სანკტ-პეტერბურგიდან ეიფმანის ბალეტის თეატრის ჩამოსვლა ბალანჩინის სამშობლოში იმ საერთაშორისო პროექტის ნაწილია, რომელიც კომპანია DLA PIPER და ERNST and YOUNG-ის ინიციატივით ჯორჯ ბალანჩინის დაბადების 100 და „ნიუ იორკ სითი ბალეს“ შექმნის 50 წლის (აღნიშნება 2008 წელს) იუბილეებს მიეძღვნა. პროექტის ფარგლებში თბილისის ოპერისა და ბალეტის თეატრის შენობის წინ ჯორჯ ბალანჩინის ძეგლი დაიდგა (მოქანდაკე ვაჟა მიქაბერიძე). ასეთი ძეგლი, თბილისს გარდა, სანკტ-პეტერბურგსა და ნიუ-იორკშიც დაიდგმება.



ჯორჯ ბალანჩინის ძეგლი
სანკტ-პეტერბურგში

კლასიკური ცეკვის ძირითადი ფორმები

ფეხებისა და ხელების ძირითადი პოზიციები

ფეხებსა და ხელებს რამდენიმე ძირითადი პოზიცია აქვთ, რომლებიც განსაზღვრავენ მოცეკვავის თითოეულ მოძრაობას (პას), ხელს უწყობენ გრაციოზულობასა და გამომსახველობას ცეკვაში. კლასიკური ცეკვის სწავლების კურსის ერთ-ერთმა ფუძემდებელმა ა. ვაგანოვამ საბოლოოდ ჩამოაყალიბა ეს მიმართულებები, რომლებიც ცეკვის პრაქტიკაში მე-17 საუკუნიდან გვხვდება. ცნობილია ფეხების ხუთი ძირითადი მდგომარეობა. დიდი სურვილის მიუხედავადც კი შეუძლებელია მეექვსე ისეთი მდგომარეობის მოძებნა, საიდანაც შესაძლებელი იქნება ადვილი და კლასიკური ცეკვისათვის მოსახერხებელი მოძრაობა.



პირველ პოზიციაში

ორივე ტერფი დგას ერთ სწორ ხაზზე ქუსლი ქუსლთან.



მესამე პოზიციაში

ორივე ტერფი ეხება ერთმანეთს ქუსლებით და ერთი მეორის უკან ნახევარი ტერფით დგას.



მეორე პოზიცია

იგივეა, მხოლოდ ქუსლებს შორის არის ერთი ტერფის მანძილი.




მეოთხე პოზიცია

იმგვარია, როგორც მეხუთე, მაგრამ ერთ-ერთი ფეხი ნაწეულია წინ, ან უკან იმავე მდგომარეობაში, მეორის პარალელურად ერთმანეთისაგან მცირე ნაბიჯის მანძილითაა დაშორებული.

მეხუთე პოზიციაში

ორივე ტერფი ისე დგას, რომ მთლიანად ეკვრის ერთმანეთს, ასე რომ ერთი ტერფის ქუსლი ეხება მეორე ფეხის ცერს.





ფრანგული და ვაგანოვამდელი რუსული სკოლები ხელების შვიდ პოზიციას იყენებდნენ. ა. ვაგანოვამ კი შემოიტანა ხელების სამი ძირითადი პოზიცია:

პირველი პოზიცია

მომრგვალებული ხელები წინ არის განეული დიაფრაგმის დონეზე.



მესამე პოზიცია

ხელები თავს ზემოთ არის აწეული.



მეორე პოზიცია

ხელები მხრების დონეზეა გაშლილი.

Plie

ჩვეულებრივი ფრანგული სახელწოდებაა, რაც ნიშნავს ჩაჯდომას მოცემულ პოზიციებში. თავდაპირველად ჩაჯდომა ნახევარი ზომით კეთდება – დეში პლიე, შემდეგ კი დიდი ანუ მთლიანი ჩაჯდომა – გრანდ პლიე, ჩაჯდომა ცეკვის ყველა მოძრაობას ახასიათებს.




Battement

ბატმანები საბალეტო ტერმინოლოგიაში ნიშნავს მოძრაობას გარკვეულ რითმში. მთელი ცეკვის საფუძველი ეს არის Battements Tanndus (ბატმან ტანდიუს) – განევა სხვადასხვა მიმართულებით. ის ისეა მოფიქრებული, გეგონებათ მისმა შემქმნელმა ჩაიხედა ფეხის იოგის აგებულებაში და ფუნქციებში. ამის უბრალო მაგალითიც ამტკიცებს. თუ მოცეკვავე მსუბუქად იღრძობს ფეხს და ამის გამო ვეღარ შეძლებს ფეხზე დადგომას, იგი გულმოდგინედ დაიწყებს ბატმან ტანდიუს შესრულებას, რომ ფეხმა ადვილად აღადგინოს მუშაობა. ცეკვის წინ, ეს ბატმანი „ფეხის გასახურებლად“ (როგორც ჩვეულებრივ ამბობენ) კეთდება. ბატმანები სხვადასხვაგვარია. ამ სურათზე გამოსახულ მოძრაობას Grand Battements-ი ჰქვია.



Arabesque



ვახტანგ ჭაბუკიანის სახელობის
საბალეტო ხელოვნების
სახელმწიფო სასწავლებელი

Vakhtang Chabukiani
Tbilisi Ballet Art State School

www.stateballetschool.ge

